

॥ तैत्तिरीय संहिता ॥

॥ काण्डम् ३ ॥

॥ प्रथमः प्रश्नः ॥

॥ तैत्तिरीयसंहितायां तृतीयकाण्डे प्रथमः प्रश्नः ॥

प्रजापतिरकामयत प्रजाः सृजेयेति स तपोऽतप्यत स
सर्पान्सृजत सोऽकामयत प्रजाः सृजेयेति स द्वितीयमतप्यत स
वयांस्यसृजत सोऽकामयत प्रजाः सृजेयेति स तृतीयमतप्यत
स एतं दीक्षितवादमपश्यत्तमवदत्ततो वै स प्रजा असृजत
यत्तपस्तत्त्वा दीक्षितवादं वदति प्रजा एव तद्यजमानः (१)

सृजते यद्वै दीक्षितोऽमेध्यम्पश्यत्यपास्मादीक्षा कामति
नीलमस्य हरो व्येत्यबद्धम्मनो दरिद्रं चक्षुः सूर्यो ज्योतिषाः श्रेष्ठो
दीक्षे मा मां हासीरित्याह नास्मादीक्षापं कामति नास्य नीलं न
हरो व्येति यद्वै दीक्षितमभिवर्षति दिव्या आपोऽशान्ता ओजो
बलं दीक्षाम् (२)

तपोऽस्य निर्घन्त्युन्दतीर्बलं धत्तौजो धत्त बलं धत्त मा मे
दीक्षां मा तपो निर्वधिष्टेत्याहैतदेव सर्वमात्मन्धत्ते नास्यौजो बलं
न दीक्षां न तपो निर्घन्त्यग्निर्वै दीक्षितस्य देवता सोऽस्मादेतर्हि

तिर इव यरहि याति तमीश्वरः रक्षांसि हन्तोः (३)

भद्रादभि श्रेयः प्रेहि बृहस्पतिः पुरणुता ते अस्त्वित्याह ब्रह्म
वै देवानाम्बृहस्पतिस्तमेवान्वारभते स एनः सम्पारयत्येदमगन्म
देवयजनं पृथिव्या इत्याह देवयजनः ह्येष पृथिव्या आगच्छति यो
यजते विश्वे देवा यदजुषन्त पूर्व इत्याह विश्वे ह्येतद्देवा जोषयन्ते
यद्वाह्मणा ऋक्सामाभ्यां यजुषा सन्तरन्त इत्याह ऋक्सामाभ्याः
ह्येष यजुषा सन्तरन्ति यो यजते रायस्पोषेण समिषा
मदेमेत्याहाशिषमेवैतामा शास्ते ॥ (४)

यजमानो दीक्षां हन्तां ब्राह्मणाश्चतुर्विंशतिश्च ॥ [१]

एष ते गायत्रो भाग इति मे सोमाय ब्रूतादेष ते ऋगैष्टुभो
जागतो भाग इति मे सोमाय ब्रूताच्छन्दोमानाः साम्राज्यं गच्छेति
मे सोमाय ब्रूताद्यो वै सोमः राजानः साम्राज्यं लोकं गमयित्वा
क्रीणाति गच्छति स्वानाः साम्राज्यं छन्दांसि खलु वै सोमस्य
राज्ञः साम्राज्यो लोकः पुरस्तात्सोमस्य क्रयादेवमभि मन्त्रयेत्
साम्राज्यमेव (५)

एनं लोकं गमयित्वा क्रीणाति गच्छति स्वानाः साम्राज्यं
यो वै तानूनप्रस्यं प्रतिष्ठां वेद प्रत्येव तिष्ठति ब्रह्मवादिनो वदन्ति
न प्राश्नन्ति न जुहुत्यथ कं तानूनप्रं प्रति तिष्ठतीति प्रजापतौ
मनसीति ब्रूयात्रिरव जिघ्रेत्प्रजापतौ त्वा मनसि जुहोमीत्येषा वै
तानूनप्रस्यं प्रतिष्ठा य एवं वेद प्रत्येव तिष्ठति यः (६)

वा अ॒ध्व॒र्योः प्र॒ति॒ष्ठां वे॒द प्र॒त्ये॒व ति॒ष्ठति॒ यतो॒ मन्ये॒तान॑भि॒क्रम्य॒
होष्या॒मीति॒ तत्ति॒ष्ठन्ना श्रा॒वये॒देषा॒ वा अ॒ध्व॒र्योः प्र॒ति॒ष्ठा य ए॒वं वे॒द
प्र॒त्ये॒व ति॒ष्ठति॒ यद॑भि॒क्रम्य॒ जुहु॒यात्प्र॒ति॒ष्ठाया॑ इ॒यात्तस्मा॑त्स॒मान॒त्र
ति॒ष्ठता॑ हो॒तव्यं॑ प्र॒ति॒ष्ठित्यै॒ यो वा अ॒ध्व॒र्योः स्वं वे॒द स्ववा॑ने॒व भ॑वति॒
सु॒गवा॑ अ॒स्य स्वं वा॒यव्य॑मस्य (७)

स्वं च॑म॒सोऽस्य॒ स्वं यद्वा॑य॒व्यं वा च॑म॒सं वा-
ऽन॑न्वार॒भ्याश्रा॒वये॒त्स्वादि॒यात्तस्मा॑द॒न्वार॒भ्याश्रा॒व्यः स्वादे॒व
नैति॒ यो वै सोम॑म॒प्र॒ति॒ष्ठाप्य॒ स्तो॒त्रमु॑पा॒करोत्य॑प्र॒ति॒ष्ठितः॒ सोमो॑
भ॒वत्य॑प्र॒ति॒ष्ठितः॒ स्तोमो॑ऽप्र॒ति॒ष्ठिता॒न्युक्थान्य॑प्र॒ति॒ष्ठितो॒ यज॑मा॒नो-
ऽप्र॒ति॒ष्ठितो॑ऽध्व॒र्युर्वा॒यव्यं॑ वै सोम॑स्य प्र॒ति॒ष्ठा च॑म॒सोऽस्य॒ प्र॒ति॒ष्ठा
सोमः॒ स्तोम॑स्य॒ स्तोमं॑ उ॒क्थानां॑ ग्र॒हं वा गृही॒त्वा च॑म॒सं वो॒न्नीयं॑
स्तो॒त्रमु॑पा॒कुर्यात्प्र॒त्ये॒व सोम॑ः स्था॒पय॑ति॒ प्रति॒ स्तोम॑म॒प्रत्यु॑क्थानि॒
प्रति॒ यज॑मा॒नस्ति॑ष्ठति॒ प्रत्य॑ध्व॒र्युः॥ (८)

ए॒व ति॒ष्ठति॒ यो वा॒यव्य॑मस्य॒ ग्र॒हं वैका॒त्रवि॑श॒तिश्रं॥ [२]

य॒ज्ञं वा ए॒तत्स॑म॒भर॑न्ति॒ यत्सो॑म॒क्रय॑ण्यै प॒दं य॑ज्ञमु॒खं
ह॑वि॒र्धाने॒ यर्हि॑ ह॒वि॒र्धाने॒ प्राचीं॑ प्र॒वर्त॑ये॒युस्तर॑हि॒ तेना॑क्षमु॒पा॒ध्याद्य॑ज्ञमु॒खं
ए॒व य॑ज्ञमनु॒ सं त॑नोति॒ प्राश्च॑म॒ग्निम्प्र॒ ह॑र॒न्त्युत्प॑त्नी॒मा
न॑य॒न्त्यन्व॑ना॒सि प्र॒ वर्त॑य॒न्त्यथ॒ वा अ॒स्यैष॑ धि॒ष्णि॒यो ही॑यते॒
सोऽनु॑ ध्या॒यति॒ स ई॒श्वरो॑ रु॒द्रो भू॒त्वा (९)

प्रजां पशून् यजमानस्य शमयितोर्यर्हि पशुमाप्रीतमुदंश्च
 नयन्ति तर्हि तस्य पशुश्रपणं हरेत्तेनैवैनम्भागिनं करोति
 यजमानो वा आहवनीयो यजमानं वा एतद्वि कर्षन्ते
 यदाहवनीयात्पशुश्रपणं हरन्ति स वैव स्यान्निर्मन्थ्यं वा
 कुर्याद्यजमानस्य सात्मत्वाय यदि पशोरवदानं नश्येदाज्यस्य
 प्रत्याख्यायमव द्येत्सैव ततः प्रायश्चित्तिर्ये पशुं विमथीरन्
 यस्तान्कामयेतार्तिमाच्छेयुरिति कुविदङ्गेति नमोवृक्तिवत्यर्चाग्रीध्रे
 जुहुयान्नमोवृक्तिमेवैषां वृद्धे ताजगार्तिमाच्छन्ति॥ (१०)

भूत्वा ततः षड्विंशतिश्च॥

[३]

प्रजापतेर्जायमानाः प्रजा जाताश्च या इमाः। तस्मै प्रति
 प्र वेदय चिकित्वा अनु मन्यताम्। इमम्पशुम्पशुपते ते अद्य
 बध्नाम्यग्रे सुकृतस्य मध्ये। अनु मन्यस्व सुयजा यजाम जुष्टं
 देवानामिदमस्तु हव्यम्। प्रजानन्तः प्रति गृह्णन्ति पूर्वं प्राणमङ्गेभ्यः
 पर्याचरन्तम्। सुवर्गं याहि पथिभिर्देवानैरोषधीषु प्रति तिष्ठा
 शरीरैः। येषामीशं (११)

पशुपतिः पशूनां चतुष्पदामुत च द्विपदाम्। निष्क्रीतोऽयं
 यज्ञियम्भागमेतु रायस्पोषा यजमानस्य सन्तु। ये बध्यमानमनु
 बध्यमाना अभ्यैक्षन्त मनसा चक्षुषा च। अग्निस्ता अग्रे प्र मुमोक्तु
 देवः प्रजापतिः प्रजया संविदानः। य आरण्याः पशवो विश्वरूपा

विरूपाः सन्तो बहुधैकरूपाः। वायुस्ता९ अग्रे प्र मुमोक्तु देवः
प्रजापतिः प्रजया संविदानः। प्रमुञ्चमानाः (१२)

भुवनस्य रेतो गातुं धत्तु यजमानाय देवाः। उपाकृत९ शशमानं
यदस्थाञ्जीवं देवानामप्येतु पार्थः। नाना प्राणो यजमानस्य पशुनां
यज्ञो देवेभिः सह देवयानः। जीवं देवानामप्येतु पार्थः सत्याः सन्तु
यजमानस्य कामाः। यत्पशुर्मायुमकृतोरो वा पद्धिराहते। अग्निर्मा
तस्मादेनसो विश्वान्मुञ्चत्व९ हंसः। शमितार उपेतन यज्ञम् (१३)

देवेभिरिन्वितम्। पाशात्पशुम्प्र मुञ्चत बन्धाद्यज्ञपतिं परि।
अदितिः पाशम्प्र मुमोक्तेतं नमः पशुभ्यः पशुपतये करोमि।
अरातीयन्तमधरं कृणोमि यं द्विष्मस्तस्मिन्प्रति मुञ्चामि पाशम्।
त्वामु ते दधिरे हव्यवाह९ शृतङ्कर्तारमुत यज्ञियं च। अग्रे सदक्षः
सतनुरहि भूत्वाऽथ हव्या जातवेदो जुषस्व। जातवेदो वपया
गच्छ देवान्त्व९ हि होता प्रथमो बभूथ। घृतेन त्वं तनुवो
वर्धयस्व स्वाहाकृत९ हविरदन्तु देवाः। स्वाहा देवेभ्यो देवेभ्यः
स्वाहा॥ (१४)

ईशं प्रमुञ्चमाना यज्ञन्त्व९ षोडश च॥ [४]

प्राजापत्या वै पशवस्तेषा९ रुद्रोऽधिपतिर्यदेताभ्यामुपाकरोति
ताभ्यामेवैनं प्रतिप्रोच्या लभत आत्मनोऽनाव्रस्काय द्वाभ्यामुपाकरोति
द्विपाद्यजमानः प्रतिष्ठित्या उपाकृत्य पञ्च जुहोति पाङ्गाः पशवः

प॒शूने॒वाव॑ रु॒द्धे मृ॒त्यवे॒ वा ए॒ष नी॑यते॒ यत्प॒शुस्तं॑ यद॒न्वार॒भेत॑
प्र॒मायु॑को॒ यज॑मानः स्या॒न्नाना॑ प्रा॒णो यज॑मानस्य प॒शुने॒त्याह॑
व्यावृ॑त्त्यै (१५)

यत्प॒शुर्मा॒युम॑कृ॒तेति॑ जुहोति॒ शान्त्यै॑ शमि॑तार॒ उपे॑त॒नेत्या॑ह
यथा॒य॒जुरे॒वैत॑द्व॒पायां॑ वा आ॒ह्रिय॑मा॒णायाम॑ग्ने॒र्मेधोऽप॑ क्राम॒ति
त्वा॒मु ते द॑धिरे ह॒व्य॒वाह॑मि॒ति व॒पाम॒भि जु॑होत्य॒ग्नेरे॒व मे॑ध॒मव॑
रु॒द्धेऽथो॑ श्रु॒त्वाय॑ पु॒रस्ता॑त्स्वाहाकृतयो॒ वा अ॒न्ये दे॒वा
उ॒परि॑ष्टात्स्वाहाकृतयोऽन्ये स्वाहा॑ दे॒वेभ्यो॑ दे॒वेभ्यः॑ स्वाहेत्य॒भितो॑
व॒पां जु॑होति॒ ताने॒वोभया॑न्प्रीणाति॥ (१६)

व्यावृत्त्या अभितो वपां पञ्च च॥ [५]

यो वा अय॑थादे॒वतं॑ य॒ज्ञमु॑प॒चर॑त्या दे॒वता॑भ्यो वृ॒श्च्यते॑
पापी॑यान्भवति॒ यो य॑थादे॒वतं॑ न दे॒वता॑भ्य॒ आ वृ॑श्च्यते॑
वसी॑यान्भवत्याग्ने॒य्यर्चा॑ग्नी॒ध्रम॑भि मृ॒शेद्वैष्ण॑व्या ह॒विर्धा॑न॒माग्ने॒य्या
सुचो॑ वा॒यव्य॑या वा॒यव्या॑न्यैन्द्रि॒या स॒दो य॑थादे॒वतमे॒व य॒ज्ञमु॑प॒
चर॑ति न दे॒वता॑भ्य॒ आ वृ॑श्च्यते॑ वसी॑यान्भवति यु॒नज्मि॑ ते पृ॒थि॒वीं
ज्योति॑षा स॒ह यु॒नज्मि॑ वा॒युम॑न्तरि॒क्षेण॑ (१७)

ते स॒ह यु॒नज्मि॑ वाच॑ स॒ह सूर्ये॑ण ते यु॒नज्मि॑ ति॒स्रो वि॒पृचः॑
सूर्य॑स्य ते। अ॒ग्निर्दे॒वता॑ गाय॒त्री छन्द॑ उपा॑ शोः पात्रं॑म॒सि सोमो॑
दे॒वता॑ त्रि॒ष्टुप्छन्दो॑ऽन्तर्या॒मस्य॑ पात्रं॑म॒सीन्द्रो॑ दे॒वता॑ जग॑ती छन्द॑

इन्द्रवायुवोः पात्रमसि बृहस्पतिर्देवताऽनुष्टुप्छन्दो मित्रावरुणयोः
पात्रमस्यश्विनो देवता पङ्क्तिश्छन्दोऽश्विनोः पात्रमसि सूर्यो देवता
बृहती (१८)

छन्दः शुक्रस्य पात्रमसि चन्द्रमा देवता सतोबृहती छन्दो
मन्थिनः पात्रमसि विश्वे देवा देवतोष्णिहा छन्द आग्रयणस्य
पात्रमसीन्द्रो देवता ककुच्छन्द उक्थानाम्पात्रमसि पृथिवी देवता
विराट्छन्दो ध्रुवस्य पात्रमसि॥ (१९)

अन्तरिक्षेण बृहती त्रयस्त्रिंशच्च॥ [६]

इष्टर्गो वा अध्वर्युर्यजमानस्येष्टर्गः खलु वै पूर्वोऽष्टुः
क्षीयत आसन्त्यान्मा मन्त्रात्पाहि कस्यांश्चिदभिर्शस्त्या इति पुरा
प्रातरनुवाकाञ्जुहुयादात्मन एव तदध्वर्युः पुरस्ताच्छर्म नह्यतेऽनात्यै
संवेशाय त्वोपवेशाय त्वा गायत्रियास्त्रिष्टुभो जगत्या अभिभूत्यै
स्वाहा प्राणापानौ मृत्योर्मा पात प्राणापानौ मा मा हासिष्टं
देवतासु वा एते प्राणापानयोः (२०)

व्यायच्छन्ते येषां सोमः समृच्छते संवेशाय त्वोपवेशाय
त्वेत्याह छन्दांसि वै संवेश उपवेशश्छन्दोभिरेवास्य
छन्दांसि वृद्धे प्रेतित्वन्त्याज्यानि भवन्त्यभिर्जित्यै मरुत्वतीः
प्रतिपदो विजित्या उभे बृहद्रथन्तरे भवत इयं वाव
रथन्तरमसौ बृहदाभ्यामेवैनमन्तरेत्यद्य वाव रथन्तरं श्वो

बृहदद्याश्वादेवैनमन्तरैति भूतम् (२१)

वाव रथन्तरम्भविष्यद्बृहद्भूताच्चैवैनम्भविष्यतश्चान्तरैति
परिमितं वाव रथन्तरमपरिमितम्बृहत्परिमिताच्चैवैनमपरि-
मिताच्चान्तरैति विश्वामित्रजमदग्नी वसिष्ठेनास्पर्धेताः स
एतज्जमदग्निर्विहव्यमपश्यत्तेन वै स वसिष्ठस्येन्द्रियं वीर्यमवृद्धं
यद्विहव्यं शस्यत इन्द्रियमेव तद्वीर्यं यजमानो भ्रातृव्यस्य वृद्धे
यस्य भूयांसो यज्ञक्रतव इत्याहुः स देवता वृद्ध इति यद्यग्निष्टोमः
सोमः परस्तात्स्यादुक्थ्यं कुर्वीत यद्युक्थ्यः स्यादतिरात्रं कुर्वीत
यज्ञक्रतुभिरेवास्य देवता वृद्धे वसीयान्भवति॥ (२२)

प्राणापानयोर्भूतं वृद्धेऽष्टाविंशतिश्च॥ [७]

निग्राभ्याः स्थ देवश्रुत आयुर्मे तर्पयत प्राणं मे तर्पयतापानं
मे तर्पयत व्यानं मे तर्पयत चक्षुर्मे तर्पयत श्रोत्रं मे तर्पयत मनो
मे तर्पयत वाचं मे तर्पयतात्मानं मे तर्पयताङ्गानि मे तर्पयत प्रजां
मे तर्पयत पशून्मे तर्पयत गृहान्मे तर्पयत गुणान्मे तर्पयत सर्वगणं
मा तर्पयत तर्पयत मा (२३)

गुणा मे मा वि तृषन्नोषधयो वै सोमस्य विशो विशः खलु
वै राज्ञः प्रदातोरीश्वरा ऐन्द्रः सोमोऽवीवृधं वो मनसा सुजाता
ऋतप्रजाता भग इद्वेः स्याम। इन्द्रेण देवीर्वीरुधः संविदाना अनु
मन्यन्ताः सर्वनाय सोममित्याहौषधीभ्य एवैनः स्वायै विशः स्वायै

दे॒वता॑यै नि॒र्या॑च्या॒भि षु॑णोति॒ यो वै सोम॑स्याभिषूयमा॑णस्य (२४)

प्र॒थ॒मोऽ॑ंशुः स्क॒न्द॑ति॒ स ई॑श्व॒र इ॑न्द्रि॒यं वी॒र्यं॑ प्र॒जां प॒शून्
यज॑मानस्य॒ निर्ह॑न्तो॒स्तम॑भि म॒न्त्रये॑ता मा॒स्कान्त्स॒ह प्र॒जया॑
स॒ह रा॒यस्पोषे॑णेन्द्रि॒यं मे॑ वी॒र्यं॑ मा निर्व॑धी॒रित्या॒शिष॑मे॒वैता॒मा
शा॑स्त इन्द्रि॒यस्य॑ वी॒र्यस्य॑ प्र॒जायै॑ प॒शूना॑मनिर्घा॒ताय॑ द्र॒प्सश्च॑स्कन्द
पृथि॒वीम॒नु द्या॒मिमं॑ च॒ योनि॑म॒नु यश्च॑ पूर्॒वः। तृ॒तीयं॑ योनि॒मनु॑
स॒श्वर॑न्तं द्र॒प्सं जु॑हो॒म्यनु॑ स॒प्त हो॒त्राः॑॥ (२५)

त॒र्पय॑न्त माऽभिषूयमा॑णस्य॒ यश्च॑ दश॒ च॑॥ [८]

यो वै दे॒वान्दे॒वय॑श॒सेना॑र्पय॒ति म॒नुष्या॑न्म॒नुष्य॑यश॒सेन॑
दे॒वय॑श॒स्यैव॑ दे॒वेषु॑ भव॒ति म॒नुष्य॑यश॒सी म॑नु॒ष्येषु॑ या॒न्प्रा॒चीन॑माग्र॒यणा॑द्भ
गृ॒ह्णी॒याद्या॑नू॒र्ध्वाऽ॒स्तानु॑प॒ब्धि॒मतो॑ दे॒वाने॒व तद्दे॒वय॑श॒सेना॑र्पय॒ति
म॒नुष्या॑न्म॒नुष्य॑यश॒सेन॑ दे॒वय॑श॒स्यैव॑ दे॒वेषु॑ भव॒ति म॒नुष्य॑यश॒सी
म॑नु॒ष्येष्व॒ग्निः प्रा॑तःस॒वने॑ पा॒त्वस्मान् वै॑श्वान॒रो म॑हि॒ना वि॒श्वश॑म्भूः।
स नः॑ पा॒व॒को द्र॒वि॒णं द॒धातु॑ (२६)

आयु॑ष्मन्तः स॒हभ॑क्षाः स्या॒म। वि॒श्वे दे॒वा म॒रुत॑ इन्द्रो॑
अ॒स्मान॒स्मिन्द्भि॒तीये॑ स॒वने॑ न ज॒ह्युः। आयु॑ष्मन्तः प्रि॒यमे॑षां वद॒न्तो
व॒यं दे॒वाना॑ं सु॒मतौ॑ स्या॒म। इ॒दं तृ॒तीयं॑ स॒वनं॑ क॒वीना॑मृते॒न
ये च॑म॒समै॑रयन्त। ते सौ॒धन्व॑नाः सु॒व॒रान॑शा॒नाः स्वि॑ष्टिं नो अ॒भि
व॒सी॒यो न॑यन्तु। आ॒यत॑नवती॒र्वा अ॒न्या आ॒हुत॑यो हू॒यन्ते॑ऽनाय॒त॒ना

अन्या या आघारवतीस्ता आयतनवतीर्याः (२७)

सौम्यास्ता अनायतना ऐन्द्रवायवमादायाघारमा घारयेदध्वरो
यज्ञोऽयमस्तु देवा ओषधीभ्यः पशवे नो जनाय विश्वस्मै
भूतायाध्वरोऽसि स पिन्वस्व घृतवद्देव सोमेति सौम्या एव
तदाहुतीरायतनवतीः करोत्यायतनवान्भवति य एवं वेदाथो
द्यावापृथिवी एव घृतेन व्युनक्ति ते व्युक्ते उपजीवनीये भवत
उपजीवनीयो भवति (२८)

य एवं वेदैष ते रुद्र भागो यं निरयाचथास्तं जुषस्व
विदेगौपत्यं रायस्पोषं सुवीर्यं संवत्सरीणां स्वस्तिम्।
मनुः पुत्रेभ्यो दायं व्यभजत्स नाभानेदिष्ठं ब्रह्मचर्यं वसन्तं
निरभजत्स आगच्छत्सोऽब्रवीत्कृथा मा निरभागिति न त्वा
निरभाक्षमित्यब्रवीदङ्गिरस इमे सत्तमांसते ते (२९)

सुवर्गं लोकं न प्र जानन्ति तेभ्य इदम्ब्राह्मणम्ब्रूहि ते
सुवर्गं लोकं यन्तो य एषाम्पशवस्तांस्ते दास्यन्तीति तदेभ्यो-
ऽब्रवीत्ते सुवर्गं लोकं यन्तो य एषाम्पशव आसन्तानस्मा
अददुस्तम्पशुभिश्चरन्तं यज्ञवास्तौ रुद्र आगच्छत्सोऽब्रवीन्मम वा
इमे पशव इत्यदुर्वै (३०)

मह्यमिमामित्यब्रवीन्न वै तस्य त ईशत इत्यब्रवीद्यद्यज्ञवास्तौ
हीयते मम वै तदिति तस्माद्यज्ञवास्तु नाभ्यवेत्यं सोऽब्रवीद्यज्ञे

मा भ॒जाथ॑ ते प॒शून्नाभि॑ म॒स्य॒ इति॑ तस्मा॑ ए॒तम्म॒न्थिनः॑
 स॒स्रा॒वम॑जुहो॒त्ततो॑ वै तस्य॑ रु॒द्रः प॒शून्नाभ्य॑मन्यत॒ यत्रै॑तमे॒वं
 वि॒द्वान्म॒न्थिनः॑ स॒स्रा॒वं जु॒होति॑ न तत्र॑ रु॒द्रः प॒शून्भि॑
 म॒न्यते॥ (३१)

दधात्वायतनवतीर्या उपजीवनीर्यो भवति तेऽदुर्वै यत्रैतमेकादश च॥ [९]

जुष्टो॑ वा॒चो भू॒यासं॑ जुष्टो॑ वा॒चस्प॑तये॒ देवि॑ वाक्। यद्वा॒चो
 मधु॑म॒त्तस्मि॑न्मा धाः॒ स्वाहा॑ सर॒स्वत्यै॑। ऋ॒चा स्तोम॑ꣳ स॒मर्ध॑य
 गाय॑त्रेण॑ रथ॒न्तर॑म्। बृ॒हद्वा॑य॒त्रव॑र्तनि। यस्ते॑ द्र॒प्सः स्क॑न्दति
 यस्ते॑ अ॒ꣳशुर्बा॑हुच्यु॒तो धि॑षण॑योरु॒पस्था॑त्। अध्व॑र्यो॒र्वा परि॑ यस्ते॑
 प॒वित्रा॑थ्स्वाहा॑कृ॒तमि॒न्द्राय॑ तं जु॒होमि॑। यो द्र॒प्सो अ॒ꣳशुः प॑तितः
 पृ॒थि॒व्यां प॑रिवा॒पात् (३२)

पु॒रोडा॑शा॒त्कर॑म्भात्। धा॒ना॒सो॒मान्म॒न्थिन॑ इन्द्र शु॒क्राथ्स्वाहा॑कृ॒तमि॒न्द्राय॑
 तं जु॒होमि॑। यस्ते॑ द्र॒प्सो मधु॑माꣳ इन्द्रि॒यावा॑न्थ्स्वाहा॑कृ॒तः
 पुन॑र॒प्येति॑ दे॒वान्। दि॒वः पृ॒थि॒व्याः पर्य॑न्तरि॒क्षाथ्स्वाहा॑कृ॒तमि॒न्द्राय॑
 तं जु॒होमि॑। अध्व॑र्यु॒र्वा ऋ॒त्विजा॑ प्रथ॒मो यु॑ज्यते तेन॒ स्तोमो॑
 योक्त॑व्यं इत्याहु॒र्वाग॑ग्रेगा अग्रं॑ ए॒त्वृजु॑गा दे॒वेभ्यो॑ यशो॒ मयि॑ दध॑ती
 प्रा॒णान्प॑शुषु॒ प्र॒जाम्मयि॑ (३३)

च॒ यज॑माने॒ चेत्या॑हु॒ वाच॑मे॒व तद्य॑ज्ञमुखे यु॒नक्ति॑ वास्तु॒ वा
 ए॒तद्य॑ज्ञस्य॑ क्रियते॒ यद्ब्र॑ह्मा॒नृही॒त्वा ब॑हिष्पवमा॒नꣳ सर्प॑न्ति॒ परा॑श्चो

हि यन्ति परांचीभिः स्तुवते वैष्णव्यर्चा पुनरेत्योपं तिष्ठते यज्ञो
 वै विष्णुर्यज्ञमेवाकर्विष्णो त्वं नो अन्तमः शर्म यच्छ सहन्त्या।
 प्र ते धारा मधुश्चुत उथ्सं दुहते अक्षितमित्याह यदेवास्य
 शयानस्योपशुष्यति तदेवास्यैतेना प्याययति॥ (३४)

परिवापात्प्रजां मयि दुहते चतुर्दश च॥ [१०]

अग्निना रयिमंश्रवत्पोषमेव दिवेदिवे। यशसं वीरवत्तमम्॥
 गोमां९ अग्नेऽविमां९ अश्वी यज्ञो नृवत्सखा सदमिदं प्रमृष्यः।
 इडांवा९ एषो असुर प्रजावा॑न्दीर्घो रयिः पृथुबुध्नः सभावान्॥ आ
 प्यायस्व सं ते॥ इह त्वष्टारमग्रियं विश्वरूपमुप ह्वये। अस्माकमस्तु
 केवलः॥ तन्नस्तुरीपमधं पोषयितु देवं त्वष्टर्वि रराणः स्यस्व। यतो
 वीरः (३५)

कर्मण्यः सुदक्षो युक्तग्रावा जायते देवकामः। शिवस्त्वष्टरिहा
 गंहि विभुः पोषं उत त्मना॥ यज्ञेयं न उदवा पिशङ्गरूपः
 सुभरो वयोधाः श्रुष्टी वीरो जायते देवकामः। प्रजां त्वष्टा वि
 ष्यंतु नाभिंमस्मे अथा देवानामप्येतु पाथः। प्र णो देव्या नो
 दिवः। पीपिवा९स९ सरस्वतः स्तनं यो विश्वदर्शतः। धुक्षीमहि
 प्रजामिषम् (३६)

ये ते सरस्व ऊर्मयो मधुमन्तो घृतश्चुतः। तेषां ते सुम्रमीमहे।
 यस्य व्रतम्पशवो यन्ति सर्वे यस्य व्रतमुपतिष्ठन्त आपः। यस्य

व्रते पुष्टिपतिर्निविष्टस्त९ सरस्वन्तमवसे हुवेम। दिव्य९ सुपर्ण
 वयसम्बृहन्तमपां गर्भं वृषभमोषधीनाम्। अभीपतो वृष्ट्या तर्पयन्तं
 त९ सरस्वन्तमवसे हुवेम। सिनीवालि पृथुष्टुके या देवानामसि
 स्वसा। जुषस्व हव्यम् (३७)

आहुतं प्रजां देवि दिदिङ्घि नः। या सुपाणिः स्वङ्गुरिः
 सुषूमा बहुसूवरी। तस्यै विश्वत्रियै हविः सिनीवाल्यै जुहोतन।
 इन्द्रं वो विश्वतस्परिन्द्रं नरः। असितवर्णा हरयः सुपर्णा मिहो
 वसाना दिवमुत्पतन्ति। त आऽववृत्रन्धसदनानि कृत्वादित्पृथिवी
 घृतैर्व्युद्यते। हिरण्यकेशो रजसो विसारेऽहिर्धुनिर्वात इव
 धर्जीमान्। शुचिभ्राजा उषसः (३८)

नवेदा यशस्वतीरपस्युवो न सत्याः। आ ते सुपर्णा
 अमिनन्त एवैः कृष्णो नौनाव वृषभो यदीदम्। शिवाभिर्न
 स्मयमानाभिरागात्पतन्ति मिहः स्तनयन्त्यभ्रा। वाश्रेवं
 विद्युन्मिमाति वत्सं न माता सिषक्ति। यदेषां वृष्टिरसर्जि।
 पर्वतश्चिन्महि वृद्धो बिभाय दिवश्चिथ्सानु रेजत स्वने वः।
 यत्क्रीडथ मरुतः (३९)

ऋष्टिमन्त आप इव सधियश्चो धवध्वे। अभि क्रन्द स्तनय
 गर्भमा धा उदन्वता परि दीया रथेन। दृति९ सु कर्ष विषितं
 न्यश्च९ समा भवन्तूद्धता निपादाः। त्वं त्या चिदच्युताग्रे पशुर्न

यवसे। धामां ह यत्ते अजर वना वृश्चन्ति शिक्कंसः। अग्ने भूरीणि
तव जातवेदो देवं स्वधावोऽमृतस्य धाम। याश्च (४०)

माया मायिनां विश्वमिन्व त्वे पूर्वीः संधुः पृष्ठबन्धो। दिवो
नो वृष्टिम्मरुतो ररीध्वम्प्र पिन्वत वृष्णो अश्वस्य धाराः। अर्वाङितेन
स्तनयिबुतेह्यपो निषिञ्चन्नसुरः पिता नः। पिन्वन्त्यपो मरुतः
सुदानवः पयो घृतवद्विदथेष्वाभुवः। अत्यं न मिहे वि नयन्ति
वाजिनमुत्सं दुहन्ति स्तनयन्तमक्षितम्। उदप्रुतो मरुतस्तां
इयर्त वृष्टिम् (४१)

ये विश्वे मरुतो जुनन्ति। क्रोशाति गर्दा कन्येव तुन्ना पेरुं
तुञ्जाना पत्येव जाया। घृतेन द्यावापृथिवी मधुना समुक्षत पयस्वतीः
कृणुताप ओषधीः। ऊर्जं च तत्र सुमतिं च पिन्वथ यत्रा नरो मरुतः
सिञ्चथा मधु। उदु त्यश्चित्रम्। और्वभृगुवच्छुचिमप्रवानवदा हुवे।
अग्निं समुद्रवाससम्। आ सवः सवितुर्यथा भगस्येव भुजिं
हुवे। अग्निं समुद्रवाससम्। हुवे वातस्वनं कविम्पर्जन्यक्रन्दं
सहः। अग्निं समुद्रवाससम्॥ (४२)

वीर इषं हव्यमुषसो मरुतश्च वृष्टिं भगस्य द्वादश च॥ [११]

यो वै पवमानानाञ्जीणि परिभूः स्फ्यः स्वस्तिर्भक्षेहिं महीनां पयोऽसि देवं सवितरेतत्तं श्येनाय यद्वै
होतोपयामृहीतोऽसि वाक्षसत्प्र सो अंश्रु एकादश॥ [१२]

[प्रजापतिरकामयत प्रजापतेर्जायमाना व्यायच्छन्ते मह्यमिमान्माया मायिनां द्विचत्वारिंशत्॥४२॥

प्रजापतिरकामयताग्निं संमुद्रवाससम्॥]

॥द्वितीयः प्रश्नः॥

॥तैत्तिरीयसंहितायां तृतीयकाण्डे द्वितीयः प्रश्नः॥

यो वै पर्वमानानामन्वारोहान् विद्वान् यजतेऽनु पर्वमानाना रौहति न पर्वमानेभ्योऽवच्छिद्यते श्येनोऽसि गायत्रच्छन्दा अनु त्वा रंभे स्वस्ति मा सम्पारय सुपर्णोऽसि त्रिष्टुच्छन्दा अनु त्वा रंभे स्वस्ति मा सम्पारय सघासि जगतीछन्दा अनु त्वा रंभे स्वस्ति मा सम्पारयेत्याहुते (१)

वै पर्वमानानामन्वारोहास्तान् य एवं विद्वान् यजतेऽनु पर्वमानाना रौहति न पर्वमानेभ्योऽवच्छिद्यते यो वै पर्वमानस्य सन्ततिं वेद सर्वमायुरेति न पुरायुषः प्र मीयते पशुमान्भवति विन्दते प्रजाम्पर्वमानस्य ग्रहां गृह्यन्तेऽथ वा अस्येतेऽगृहीता द्रोणकलश आधवनीयः पूतभृत्तान् यदगृहीत्वोपाकुर्यात्पर्वमानं वि (२)

छिन्द्यात्तं विच्छिद्यमानमध्वर्योः प्राणोऽनु विच्छिद्येतोपयामगृहीतोऽसि प्रजापतये त्वेति द्रोणकलशमभि मृशेदिन्द्राय त्वेत्याधवनीयं विश्वेभ्यस्त्वा देवेभ्य इति पूतभृतम्पर्वमानमेव तथ्सं तनोति सर्वमायुरेति न पुरायुषः प्र मीयते पशुमान्भवति विन्दते प्रजाम्॥ (३)

एते वि द्विचत्वारिंशच्च॥ [१]

त्रीणि वाव सर्वनान्यथ तृतीयं सवनमव लुम्पन्त्यनं शु कुर्वन्तं उपां शु ह्रुत्वोपां शु पात्रेऽं शु मास्य तं तृतीयसवनेऽपिसुज्याभि पुण्याद्यदौप्याययति तेनां शु मद्यदभिषुणोति तेनर्जीपि सर्वाण्येव तथ्सर्वनान्यं शु मन्ति शुक्रवन्ति समावद्वीर्याणि करोति द्वौ संमुद्रौ विततावज्यूषां पर्यावर्तते जठरैव पादाः। तयोः पश्यन्तो अतिं यन्त्यन्यमपश्यन्तः (४)

सेतुनातिं यन्त्यन्यम्। द्वे द्रधसी सतती वस्त एकः केशी विश्वा भुवनानि विद्वान्। तिरोधायैत्यसितं वसानः शुक्रमा दत्ते अनुहायं जायै। देवा वै यद्यज्ञेऽकुर्वन्त तदसुरा अकुर्वन्ते ते देवा एतम्महायज्ञमपश्यन्तमन्तन्वता-ग्निहोत्रं व्रतमकुर्वन्त तस्माद्विब्रतः स्याद्विर्द्यग्निहोत्रं जुह्वति पौर्णमासं यज्ञमग्नीषोमीयम् (५)

पशुमकुर्वन्त दार्शयं यज्ञमाग्नेयम्पशुमकुर्वन्त वैश्वदेवम्प्रातःसवनमकुर्वन्त वरुणप्रघासान्माध्यंदिनं सवनं साकमेधान्यितृयज्ञं त्र्यम्बकांस्तृतीयसवनमकुर्वन्त तमेषामसुरा यज्ञमन्ववाजिगांसन्तं नान्ववायन्तैऽब्रुवन्नध्वर्तव्या वा इमे देवा अभूवन्निति तदध्वरस्याध्वरत्वन्ततो देवा अभवन्परासुरा य एवं विद्वान्सोमेन यजन्ते भवन्त्यात्मना परास्य भ्रातृव्यो भवति॥ (६)

अपश्यन्तोऽग्नीषोमीयमात्मना परा त्रीणि च॥ [२]

परिभूरग्निं परिभूरिन्द्रं परिभूर्विश्वं देवान्परिभूर्मांसं सह ब्रह्मवर्चसेन स नः पवस्व शं गवे शं जनाय शमवन्ते शं राज्ञन्नोषधीभ्योऽच्छिन्नस्य ते रयिपते सुवीर्यस्य रायस्पोषस्य ददितारः स्याम। तस्य मे

रास्व तस्य ते भक्षीय तस्य त इदमुन्मृजे। प्राणाय मे वर्चोदा वर्चसे पवस्वापानाय व्यानाय वाचे (७)

दक्षक्रतुभ्यां चक्षुभ्यां मे वर्चोदौ वर्चसे पवेथाऽऽ श्रोत्रायात्मनेऽङ्गभ्य आयुषे वीर्याय विष्णोरिन्द्रस्य विश्वेषां देवानां जठरमसि वर्चोदा मे वर्चसे पवस्व कौऽसि को नाम कस्मै त्वा कायं त्वा यं त्वा सोमेनातीतृपुं यं त्वा सोमेनामीमदः सुप्रजाः प्रजयां भूयासः सुवीरौ वीरैः सुवर्चा वर्चसा सुपोषः पोषैर्विश्वेभ्यो मे रूपेभ्यो वर्चोदाः (८)

वर्चसे पवस्व तस्य मे रास्व तस्य ते भक्षीय तस्य त इदमुन्मृजे। बुभूषन्नर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तो भूत्याऽभि पंवते ब्रह्मवर्चसकामोऽर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तो ब्रह्मवर्चसेनाभि पंवत आमयावी (९)

अर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्त आयुषाभि पंवते-ऽभिचरन्नर्वैक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तः प्राणापानाभ्यां वाचो दक्षक्रतुभ्यां चक्षुभ्यांऽऽ श्रोत्राभ्यामात्मनोऽङ्गभ्य आयुषोऽन्तरिति ताजकप्र धन्वति॥ (१०)

वाचे रूपेभ्यो वर्चोदा आमयावी पञ्चत्वारिंशच्च॥ [३]

स्फः स्वस्तिर्विघ्नः स्वस्तिः परशुर्वेदिः परशुर्नः स्वस्तिः। यज्ञियां यज्ञकृतः स्थ ते मास्मिन् यज्ञ उप ह्यध्वमुप मा द्यावापृथिवी ह्वयेतामुपास्तावः कलशः सोमो अग्निरुप देवा उप यज्ञ उप मा होत्रा उपहवे ह्वयन्तान्नमोऽग्रयं मखघ्ने मखस्यं मा यशोऽर्यादित्याहवनीयमुप तिष्ठते यज्ञो वै मखः (११)

यज्ञं वाव स तदहन्तस्मा एव नमस्कृत्य सद्ः प्र संपत्यात्मनोऽनात्त्यै नमो रुद्राय मखघ्ने नमस्कृत्या मा पाह्यत्याग्राध्रं तस्मा एव नमडस्कृत्य सद्ः प्र संपत्यात्मनोऽनात्त्यै नम इन्द्राय मखघ्न इन्द्रियं मे वीर्यम्मा निर्वधीरिति होत्रायमाशिषमेवैतामा शास्त इन्द्रियस्य वीर्यस्यानिर्घाताय या वै (१२)

देवताः सदस्यातिमार्पयन्ति यस्ता विद्वान्प्रसर्पति न सदस्यातिमार्च्छति नमोऽग्रयं मखघ्न इत्याहुता वै देवताः सदस्यातिमार्पयन्ति ता य एवं विद्वान्प्रसर्पति न सदस्यातिमार्च्छति दृढे स्थः शिथिरे समीची माऽहंसपातः सूर्यो मा देवो दिव्यादऽहंसपातु वायुरन्तरिक्षात् (१३)

अग्निः पृथिव्या यमः पितृभ्यः सरस्वती मनुष्येभ्यो देवीं द्वारौ मा मा सं ताप्तम् नमः सदसे नमः सदसस्पतये नमः सखीनां पुरोगाणां चक्षुषे नमो दिवे नमः पृथिव्या अहं दधिपव्योदतस्तिष्ठान्यस्य सदने सीद योऽस्मत्पाकं त उत्रिवत् उदुद्वतंश्च गेषम्पातम्मां द्यावापृथिवी अद्याहुः सदो वै प्रसर्पन्तम् (१४)

पितरोऽनु प्र संपन्ति त एनमीश्वरा हिंसितोः सदः प्रसृप्य दक्षिणार्धं परैक्षेतागन्त पितरः पितृमानहं युष्माभिर्भूयासः सुप्रजसो मया यूयम्भूयास्तेति तेभ्य एव नमस्कृत्य सद्ः प्र संपत्यात्मनोऽनात्त्यै॥ (१५)

मखो वा अन्तरिक्षात्प्रसर्पन्तन्नयंश्चिंशच्च॥ [४]

भक्षेहि मा विंश दीर्घायुत्वायं शन्तनुत्वायं रायस्पोषाय वर्चसे सुप्रजास्त्वायेहिं वसो पुरोवसो प्रियो

मै हृदोऽस्यश्विनोऽस्त्वा वाहुभ्यां सध्यासम् नृचक्षंसं त्वा देव सोम सुचक्षा अव ख्येषम् मन्द्राभिभूतिः
केतुर्यज्ञानां वाग्जुषाणा सोमस्य तृप्यतु मन्द्रा सर्वार्च्यदितीरनाहतशीर्ष्णी वाग्जुषाणा सोमस्य तृप्यत्वेहि
विश्वचरणे (१६)

शम्भूमयोभूः स्वस्ति मां हरिवर्णं प्र चरं कृत्वे दक्षांय रायस्पोषाय सुवीरतायै मा मां राजन्वि
वीभिषो मा मे हार्दि त्विषा वधीः। वृषणे शुष्मायायुषे वर्षसे॥ वसुमद्व्रणस्य सोम देव ते मतिविदः
प्रातःसवनस्य गायत्रछन्दस इन्द्रपीतस्य नराशंसपीतस्य पितृपीतस्य मधुमत उपहृतस्योपहृतो भक्षयामि
रुद्रवद्व्रणस्य सोम देव ते मतिविदो माध्यंदिनस्य सवनस्य त्रिष्टुप्छन्दस इन्द्रपीतस्य नराशंसपीतस्य (१७)

पितृपीतस्य मधुमत उपहृतस्योपहृतो भक्षयाम्यादित्यवद्व्रणस्य सोम देव ते मतिविदस्तृतीयस्य सवनस्य
जंगतीछन्दस इन्द्रपीतस्य नराशंसपीतस्य पितृपीतस्य मधुमत उपहृतस्योपहृतो भक्षयामि। आ प्यायस्व
समेतु ते विश्वतः सोम वृषिण्यम्। भवा वाजस्य सङ्गथे। हिन्वं मे गात्रां हरिवो गुणान्मे मा वि तीतृषः।
शिवो मै सप्तरीनुपं तिष्ठस्व मा मेऽवाङ्गाभिर्मति (१८)

गाः। अपाम सोमममृतां अभूमादर्शम् ज्योतिरविदाम देवान्। किमस्मान्कृण्वदरातिः किमु धूर्तिरमृत
मर्त्यस्या। यन्म आत्मनो मिन्दाभृदग्निस्तत्पुनराहर्जातवेदा विचरणिणः। पुनरग्निश्चक्षुरदात्पुनरिन्द्रो बृहस्पतिः।
पुनर्मे अश्विना युवं चक्षुरा धत्तमक्ष्योः। इष्टयंजुपस्ते देव सोम स्तुतस्तोमस्य (१९)

शस्तोक्थस्य हरिवत् इन्द्रपीतस्य मधुमत उपहृतस्योपहृतो भक्षयामि। आपूर्याः स्था मां पूरयत
प्रजयां च धनेन चा एतत्तै तत् ये च त्वामन्वेतत्तै पितामह प्रपितामह ये च त्वामन्वत्र पितरो
यथाभागमन्दध्वम् नमो वः पितरो रसाय नमो वः पितरः शुष्माय नमो वः पितरो जीवाय नमो वः
पितरः (२०)

स्वधाये नमो वः पितरो मन्यवे नमो वः पितरो घोराय पितरो नमो वो य एतस्मिँल्लोके स्थ
युष्मास्तेऽनु यैस्मिँल्लोके मां तेऽनु य एतस्मिँल्लोके स्थ यूयं तेषां वसिष्ठा भूयास्त यैस्मिँल्लोकेऽहं तेषां
वसिष्ठा भूयासम् प्रजापते न त्वदेतान्यन्यो विश्वां जातानि परि ता बभूव (२१)

यत्कामास्ते जुहुमस्तत्रो अस्तु वयं स्याम पतयो रयीणाम्। देवकृतस्यैनसोऽव्यजंममसि
मनुयंकृतस्यैनसोऽव्यजंममसि पितृकृतस्यैनसोऽव्यजंममस्यप्सु धौतस्य सोम देव ते नृभिः सुतस्येष्टयंजुषः
स्तुतस्तोमस्य शस्तोक्थस्य यो भक्षो अश्वसिन्यो गोसनिस्तस्य ते पितृभिर्भक्षं कृतस्योपहृतस्योपहृतो
भक्षयामि॥ (२२)

विश्वचरणे त्रिष्टुप्छन्दस इन्द्रपीतस्य नराशंसपीतस्याति स्तुतस्तोमस्य जीवाय नमो वः पितरो
बभूव चतुश्चत्वारिंशच्च॥

[५]

महीनाम्ययोऽसि विश्वेषां देवानां तनूरक्त्वास्यासमद्य पृषतीनां ग्रह्मपृषतीनां ग्रहोऽसि
विष्णोरुहृदयमस्येकमिष विष्णुस्त्वानु वि चक्रमे भूतिर्दधा घृतेन वर्धतां तस्य मेष्टस्य वीतस्य द्रविणमा
गम्याञ्ज्योतिरसि वैश्वानरं पृथिव्यै दुग्धम् यावती द्यावापृथिवी महित्वा यावच्च सप्त सिन्धवो वितस्युः।
तावन्तमिन्द्र ते (२३)

ग्रहः स॒होर्जा गृ॒ह्णाम्यस्तु॑तम्। यत्कु॑ण्णशकुनः पृ॒षदा॒ज्यम॑वमृशेच्छु॒द्रा अ॑स्य प्र॒मायु॑काः स्युर्य॒च्छा-
ऽव॑मृशेच्चतुष्पादोऽस्य प॒शवः प्र॒मायु॑काः स्युर्य॒थस्क॑न्देद्यज॑मानः प्र॒मायु॑कः स्यात्प॒शवो वै पृ॒षदा॒ज्यम्प॑शवो वा
एत॑स्य॒ स्कन्द॑न्ति॒ यस्य॑ पृषदा॒ज्यः स्क॑न्दति॒ यत्पृ॒षदा॒ज्यम्पुन॑र्गृह्णाति॒ प॒शून्वास्मै पुन॑र्गृह्णाति प्रा॒णो वै पृ॒षदा॒ज्यं
प्रा॒णो वै (२४)

एत॑स्य॒ स्कन्द॑न्ति॒ यस्य॑ पृषदा॒ज्यः स्क॑न्दति॒ यत्पृ॒षदा॒ज्यम्पुन॑र्गृह्णाति॒ प्रा॒णमे॒वास्मै पुन॑र्गृह्णाति
हि॒र॒ण्यम॑व॒धाय॑ गृह्णात्य॒मृतं॑ वै हि॒र॒ण्यं प्रा॒णः पृ॒षदा॒ज्यम॑मृतमे॒वास्य॑ प्रा॒णे द॑धाति श॒तमा॑न॒म्भव॑ति श॒तायुः पुरु॑षः
शतेन्द्रि॒य आर्य॑ष्वेन्द्रि॒ये प्रति॑ तिष्ठत्य॒श्वम॑व॒ घ्राप॑यति प्राजाप॒त्यो वा अश्वः॑ प्राजाप॒त्यः प्रा॒णः स्वादे॒वास्मै
यो॒नैः प्रा॒णं निर्मि॑मीते॒ वि वा एत॑स्य॒ यज्ञ॑श्छिद्यते॒ यस्य॑ पृषदा॒ज्यः स्क॑न्दति॒ वैष्ण॑व्यर्चा पुन॑र्गृह्णाति॒ य॒ज्ञो
वै विष्ण॑र्य॒ज्ञेनै॒व य॒ज्ञः सं त॑नोति॥ (२५)

ते पृ॒षदा॒ज्यं प्रा॒णो वै यो॒नैः प्रा॒णं द्वावि॑ंशतिश्च॥ [६]

दे॒वं स॒वित॑रे॒तत्ते प्रा॒ह त॒त्र च॑ सु॒व प्र च॑ य॒ज्ञ बृ॒हस्प॑तिर्ब्र॒ह्मार्थ॑म॒त्या ऋ॒चो मा गा॑त त॒नूपा॒श्वान्नः
स॒त्या व॑ आ॒शिपः॑ स॒न्तु स॒त्या आ॒कूत॑य ऋ॒तं च॑ स॒त्यं च॑ वदत॒ स्तुत॑ दे॒वस्य॑ स॒वितुः प्र॑स॒वे स्तुत॑स्य॒
स्तुत॑म॒स्यूर्ज॑म॒ह्यः स्तुत॑ दु॒हामा मा॑ स्तुत॑स्य॒ स्तुतं ग॑म्याच्छु॒स्त्रस्य॑ श॒स्त्रम् (२६)

अ॒स्यूर्ज॑म॒ह्यः श॒स्त्रं दु॒हामा मा॑ श॒स्त्रस्य॑ श॒स्त्रं ग॑म्यादिन्द्रि॒याव॑न्तो वना॒महे धु॒क्षीम॑हि॒ प्रजा॑मिषम॑।
सा मे॒ सत्या॑शी॒दे॒वेषु॑ भूयात् ब्र॒ह्मव॑र्षसं॒ मा ग॑म्यात्। य॒ज्ञो ब॑भूव॒ स आ ब॑भूव॒ स प्र ज॑ज्ञे॒ स वा॑वृधे।
स दे॒वाना॑म॒धिप॑तिर्ब॒भूव सो अ॒स्मा॑ अधि॒पती॑न्करोतु॒ वय॑ः स्या॒म प॑त॒यो रयी॑णाम्। य॒ज्ञो वा वै (२७)

य॒ज्ञप॑तिं दु॒हे य॒ज्ञप॑तिर्वा य॒ज्ञं दु॒हे स यः स्तु॑तश॒स्त्रयो॑र्दो॒हम॑वि॒द्वान् यज॑ते॒ तं य॒ज्ञो दु॒हे स इ॒ष्ट्वा
पापी॑यान्भवति॒ य ए॒नयो॑र्दो॒हं वि॒द्वान् यज॑ते॒ स य॒ज्ञं दु॒हे स इ॒ष्ट्वा व॑सी॒यान्भव॑ति॒ स्तुत॑स्य॒ स्तुत॑म॒स्यूर्ज॑म॒ह्यः
स्तु॑तं दु॒हामा मा॑ स्तुत॑स्य॒ स्तुतं ग॑म्याच्छु॒स्त्रस्य॑ श॒स्त्रम॑स्यूर्ज॑म॒ह्यः श॒स्त्रं दु॒हामा मा॑ श॒स्त्रस्य॑ श॒स्त्रं
ग॑म्या॒दित्या॑हे॒ष वै स्तु॑तश॒स्त्रयो॑र्दो॒हस्तं॑ य ए॒वं वि॒द्वान् यज॑ते॒ दु॒ह ए॒व य॒ज्ञमि॒ष्ट्वा व॑सी॒यान्भव॑ति॥ (२८)

श॒स्त्रं वै श॒स्त्रन्दु॑हान्द्वावि॑ंशतिश्च॥ [७]

श्ये॒नाय॑ प॒त्वंने स्वा॒हा वद॑श्व॒व्यम॑भि॒गूर्ताय॑ नमो॒ विष्ट॑म्भाय॒ धर्म॑णे स्वा॒हा वद॑श्व॒व्यम॑भि॒गूर्ताय॑ नमः
परि॒धये॑ ज॒नप्र॑थ॒नाय॑ स्वा॒हा वद॑श्व॒व्यम॑भि॒गूर्ताय॑ नमो॒ ऊ॒र्जे हो॒त्राणा॑ः स्वा॒हा वद॑श्व॒व्यम॑भि॒गूर्ताय॑ नमः प॒र्यसे॑
हो॒त्राणा॑ः स्वा॒हा वद॑श्व॒व्यम॑भि॒गूर्ताय॑ नमः प्र॒जाप॑तये॒ मन॑वे स्वा॒हा वद॑श्व॒व्यम॑भि॒गूर्ताय॑ नमो॒ ऋत॑मृतपाः
सुव॑र्वा॒द॒स्वाहा॑ वद॑श्व॒व्यम॑भि॒गूर्ताय॑ नमो॒स्तृप्प॑न्ताः हो॒त्रा मधो॑र्धृ॒तस्य॑ य॒ज्ञप॑तिमृष॒य ए॒नसा॑ (२९)

आ॒हुः। प्र॒जा निर्भ॑क्ता अनु॒त्प॒यमा॑ना मधु॒व्यौ स्तो॒काव॑प॒ तौ र॑राधा। सं न॒स्ताभ्या॑ः सृज॑तु॒ विश्व॑क॒र्मा
घो॒रा ऋ॑ष॒यो नमो॑ अ॒स्त्वेभ्यः। चक्षु॑ष ए॒षाम्म॑न॒सश्च॑ सं॒धौ बृ॒हस्प॑तये॒ महि॑ प॒द्भुम॑न्नमः। नमो॑ विश्व॒क॒र्मणे॑
स उ॑ पा॒त्वस्मान॑न॒न्यान्वा॒न्सोम॑पा॒न्मन्य॑मानः। प्रा॒णस्य॑ वि॒द्वान्वा॒न्मरे॑ न धी॒र ए॒नश्च॑कृ॒वान्महि॑ ब॒द्ध ए॒षाम्। तं
वि॒श्वक॑र्मन् (३०)

प्र मुं॒श्चा स्व॑स्तये॒ ये भ॒क्षय॑न्तो॒ न वसू॑न्या॒नूहुः। या॒न॒ग्नयो॑ऽन्व॒तप्य॑न्त॒ धि॒ष्णि॒या इ॒यं ते॒षाम॑व॒या

दुरिष्टे स्विष्टिं नस्तां कृणोतु विश्वकर्मा। नमः पितृभ्यो अभि ये नो अख्यन् यज्ञकृतौ यज्ञकांमाः सुदेवा
अंकामा वो दक्षिणां न नीनिम् मा नस्तस्मादेनसः पापयिष्ट। यावन्तो वै सन्स्यास्ते सर्वे दक्षिण्यास्तेभ्यो
यो दक्षिणां न (३१)

न्येदैभ्यो वृश्चेत् यद्वैश्वकर्माणानि जुहोति सन्स्यानेव तत्प्रीणात्यस्मे देवासो वपुषे चिकिधत्
यमाशिरो दम्पती वाममंश्रुतः। पुमान्पुत्रो जायते विन्दते वस्वथ विश्वे अरपा एधते गृहः। आशीर्दाया
दम्पती वाममंश्रुतामरिष्टो रायः सचता९ समौकसा। य आसिचथ्मन्दुग्धं कुम्भ्या सहेष्टेन यामन्नमति जहातु
सः। सर्पिर्ग्रीवी (३२)

पीवर्यस्य जाया पीवानः पुत्रा अकृशासो अस्या। सहजानिर्यः सुमखस्वमान् इन्द्रायाशिरः९ सह
कुम्भ्यादात्। आशीर्म् ऊर्जमुत सुप्रजास्त्वमिषं दधातु द्रविणः९ सर्व्वसम्। संजयन्क्षेत्राणि सहसाहमिन्द्र
कृष्वानो अन्याः९ अधरान्त्सपत्नान्। भूतमसि भूते मां धा मुखमसि मुखम्भूयास्म् द्यावापृथिवीभ्यां त्वा
परि गृह्णामि विश्वे त्वा देवा वैश्वानराः (३३)

प्र च्यावयन्तु दिवि देवां दृ९हान्तरिक्षे वया९सि पृथिव्याम्पार्थिवाभ्युव ध्रुवेण हुविषाव सोमं नयामसि।
यथा नः सर्व्वमिज्जगदयक्ष्मः सुमना असत्। यथा न इन्द्र इद्विशः केवलीः सर्वाः समनसः करत्। यथा
नः सर्वा इद्विशोऽस्माकं केवलीरसन्न॥ (३४)

एनसा विश्वकर्मन् यो दक्षिणां न सर्पिर्ग्रीवी वैश्वानराश्चत्वारि९शच्च॥ [८]

यद्वे होतौध्वर्युमभ्याह्वयते वज्रमेनमभि प्र वर्तयत्युक्थंशा इत्याह प्रातःसवनम्प्रतिगीर्य त्रीण्येतान्यक्षराणि
त्रिपदां गायत्री गांयत्रम्प्रातःसवनं गांयत्रियैव प्रातःसवने वज्रमन्तर्धत्त उक्थं वाचीत्याह माध्यंदिनः९ सवनं
प्रतिगीर्य चत्वार्येतान्यक्षराणि चतुष्पदा त्रिष्टुष्टुभ्रम्माध्यंदिनः९ सवनं त्रिष्टुभ्रैव माध्यंदिने सवने वज्रमन्तर्धत्ते (३५)

उक्थं वाचीन्द्रायेत्याह तृतीयसवनम्प्रतिगीर्य सप्तैतान्यक्षराणि सप्तपदा शकरी शाकरो वज्रो वज्रैणैव
तृतीयसवने वज्रमन्तर्धत्ते ब्रह्मवादिनो वदन्ति स त्वा अध्वर्युः स्याद्यो यथासवनम्प्रतिगुरे छन्दा९सि सम्पादयेतेजः
प्रातःसवनं आत्मन्धत्तेन्द्रियम्माध्यंदिने सवने पशूः९स्तृतीयसवनं इत्युक्थंशा इत्याह प्रातःसवनम्प्रतिगीर्य
त्रीण्येतान्यक्षराणि (३६)

त्रिपदां गायत्री गांयत्रम्प्रातःसवनम्प्रातःसवनं एव प्रतिगुरे छन्दा९सि सम्पादयत्यथो तेजो वै
गांयत्री तेजः प्रातःसवनं तेजं एव प्रातःसवनं आत्मन्धत्त उक्थं वाचीत्याह माध्यंदिनः९ सवनं प्रतिगीर्य
चत्वार्येतान्यक्षराणि चतुष्पदा त्रिष्टुष्टुभ्रम्माध्यंदिनः९ सवनम्माध्यंदिनं एव सवने प्रतिगुरे छन्दा९सि सम्पादयत्यथो
इन्द्रियं वै त्रिष्टुगिन्द्रियम्माध्यंदिनः९ सवनम् (३७)

इन्द्रियमेव माध्यंदिने सवनं आत्मन्धत्त उक्थं वाचीन्द्रायेत्याह तृतीयसवनम्प्रतिगीर्य सप्तैतान्यक्षराणि
सप्तपदा शकरी शाकरोः पशवो जागन्तं तृतीयसवनं तृतीयसवनं एव प्रतिगुरे छन्दा९सि सम्पादयत्यथो पशवो
वै जगन्ती पशवस्तृतीयसवनं पशूनेव तृतीयसवनं आत्मन्धत्ते यद्वे होतौध्वर्युमभ्याह्वयत आव्यमस्मिन्दधाति
तद्यत्र (३८)

अपुहनीत पुरास्यं संवत्सराद्गृह आ वैवीरञ्छोऽस्मा मोदं इवेति प्रत्याह्वयते तेनैव तदपं हते यथा वा आयताम्प्रतीक्षत एवमध्वर्युः प्रतिगुरम्प्रतीक्षते यदभिप्रतिगृणीयाद्यथायंतया समृच्छते तादृगेव तद्यदर्धं चाल्लुप्येत यथा धावंश्चो हीयते तादृगेव तत्प्रबाहुवा ऋत्विजामुद्गीथा उद्गीथ एवोद्गातृणाम् (३९)

ऋचः प्रणव उक्थशःसिना प्रतिगुरोऽध्वर्युणाम् य एवं विद्वान्प्रतिगृणात्यन्नाद एव भवत्यास्यं प्रजायां वाजी जायत इयम्बे होतासावध्वर्युर्यदासीनः शंसत्यस्या एव तद्धोता नैत्यास्तं इव हीयमथो इमामेव तेन यजमानो दुहे यत्तिष्ठन्प्रतिगृणात्यमुष्या एव तदध्वर्युर्नैति (४०)

तिष्ठतीव ह्यसावथो अममेव तेन यजमानो दुहे यदासीनः शंसति तस्मादितःप्रदानं देवा उपं जीवन्ति यत्तिष्ठन्प्रतिगृणाति तस्मादमुतःप्रदानम्मनुष्या उपं जीवन्ति यत्प्राडासीनः शंसति प्रत्यङ्तिष्ठन्प्रतिगृणाति तस्मात्प्राचीनः रेतो धीयते प्रतीचीः प्रजा जायन्ते यद्वे होताध्वर्युर्मभ्याह्वयते वज्रमेनमभि प्र वर्तयति पराडा वर्तते वज्रमेव तन्नि करोति॥ (४१)

सर्वे वज्रमन्तर्धत्ते त्रीण्येतान्यक्षराणीन्द्रियममाध्यन्दिनः सर्वन्त्रोद्गातृणामध्वर्युर्नैति वर्तयत्यष्टौ च॥ [१]

उपयामगृहीतोऽसि वाक्षसदसि वाक्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृह्याम्युपयामगृहीतोऽस्युतसदसि चक्षुष्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृह्याम्युपयामगृहीतोऽसि श्रुतसदसि श्रोत्रपाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृह्यामि देवेभ्यस्त्वा विश्वदेवेभ्यस्त्वा विश्वेभ्यस्त्वा देवेभ्यो विष्णवुरुक्रमेण ते सोमस्तः रक्षस्व (४२)

तं तै दुश्चक्षा मावं ख्यत् मयि वसुः पुरोवसुर्वाक्पा वाचं मे पाहि मयि वसुर्विदद्वंसुश्चक्षुष्पाश्चक्षुर्मे पाहि मयि वसुः संयद्वंसुः श्रोत्रपाः श्रोत्रं मे पाहि भूरंसि श्रेष्ठो रश्मीनाम्प्राणपाः प्राणं मे पाहि धूरंसि श्रेष्ठो रश्मीनामंपानपा अपानं मे पाहि यो न इन्द्रवायू मित्रावरुणावश्विनावभिदासंति भ्रातृव्य उत्पिपीते शुभस्पती इदमहं तमधरम्पादयामि यथेन्द्राहमुत्तमश्चेतयानि॥ (४३)

रक्षस्व भ्रातृव्यस्त्रयोदश च॥ [१०]

प्र सो अग्ने तवोतिभिः सुवीराभिस्तरति वाजं कर्मभिः। यस्य त्वं सख्यमाविथ। प्र होत्रे पूर्यं वचोऽग्रये भरता बृहत्। विपां ज्योतींषि बिभ्रते न वेधसं। अग्ने त्री ते वाजिना त्री पथस्था तिस्रस्तै जिह्वा ऋतजात पूर्वीः। तिस्र उ ते तनुवो देववातास्ताभिर्नः पाहि गिरो अप्रयुच्छन्। सं वा कर्मणा समिपा (४४)

हिनोमीन्द्राविष्णू अपंसस्पा रे अस्या जुपेथां यज्ञं द्रविणं च धत्तमरिष्टैर्नः पृथिभिः पारयन्ता। उभा जिग्यथुर्न परा जयेथे न परा जिग्ये कतरश्चनैर्नो। इन्द्रश्च विष्णो यदपंसृधेथां त्रेधा सहस्रं वि तदैरयेथाम्। त्रीण्यायूषि तवं जातवेदस्तिस्त्र आजानीरुपसंस्ते अग्ने। ताभिर्देवानामवो यक्षि विद्वानथं (४५)

भुव यजमानाय शं योः। अग्निस्त्रीणि त्रिधातून्या क्षेति विदथां कविः। स त्रीरेकादशा इह। यक्षच्च पिप्रयच्च नो विप्रो दूतः परिरक्तः। नभन्तामन्येक संमे। इन्द्राविष्णू दृहिताः शम्बरस्य नव पुरो

नवतिं च श्रथिष्टम्। शतं वर्चिनः सहस्रं च साकं हृथो अंप्रत्यसुरस्य वीरान्। उत माता महिषमन्वेनदमी
त्वां जहति पुत्र देवाः। अथाब्रवीद्वृत्रमिन्द्रो हनिष्यन्त्सखे विष्णो वितरं वि क्रमस्व (४६)

इषाऽथं त्वा त्रयोदश च॥ [११]

[यो वै स्फ्यः स्वस्तिः स्वधायै नमः प्र मुञ्च तिष्ठतीव षट्त्वारिंशत्॥४६॥ यो वै पवमानानां
वि क्रमस्व॥]

अग्ने तेजस्विन्वायुर्वसवस्त्वैतद्वा अपां वायुरसि प्राणो नाम देवा वै यद्यज्ञेन न प्रजापतिर्देवासुरानांयुर्दा
एतं युवान् सूर्यो देव इदं वामेकादश॥ [१२]

॥तृतीयः प्रश्नः॥

॥तैत्तिरीयसंहितायां तृतीयकाण्डे तृतीयः प्रश्नः॥

अग्ने तेजस्विन्तेजस्वी त्वं देवेषु भूयास्तेजस्वन्तम्माभ्यायुष्मन्तं वर्चस्वन्तम्मनुष्येषु कुरु दीक्षायै च
त्वा तपसश्च तेजसे जुहोमि तेजोविदसि तेजो मा मा हांसीन्माऽहं तेजो हासिपुं मा मां तेजो
हासीदिन्द्रो जस्विन्नोजस्वी त्वं देवेषु भूया ओजस्वन्तम्माभ्यायुष्मन्तं वर्चस्वन्तम्मनुष्येषु कुरु ब्रह्मणश्च त्वा
क्षत्रस्य च (१)

ओजसे जुहोम्योजोविदस्योजो मा मा हांसीन्माहमोजो हासिपुं मा मामोजो हासीन्सूर्यं
भ्राजस्विन्भ्राजस्वी त्वं देवेषु भूया भ्राजस्वन्तम्माभ्यायुष्मन्तं वर्चस्वन्तम्मनुष्येषु कुरु वायोश्च त्वाऽपां
च भ्राजसे जुहोमि सुवर्विदसि सुवर्मा मा हांसीन्माह सवर्हासिपुं मा मा सवर्हासीन्मयि मेधाम्मयि
प्रजाम्मय्यग्निस्तेजो दधातु मयि मेधाम्मयि प्रजाम्मयीन्द्र इन्द्रियं दधातु मयि मेधाम्मयि प्रजाम्मयि सूर्यो
भ्राजो दधातु॥ (२)

क्षत्रस्य च मयि त्रयोविंशतिश्च॥ [१]

वायुरर्हिकर्ताऽग्निः प्रस्तोता प्रजापतिः साम बृहस्पतिरुद्गाता विश्वे देवा उपगातारो मरुतः प्रतिहर्तार
इन्द्रो निधनं ते देवाः प्राणभृतः प्राणम्मयि दधत्वेतद्वै सर्वमध्वर्युपाकुर्वन्नुद्गातृभ्यं उपाकरोति ते देवाः प्राणभृतः
प्राणम्मयि दधत्वित्याहेतदेव सर्वमात्मन्तत् इडा देवहर्मनुर्यज्ञनीर्बृहस्पतिरुक्थामदानि शसिषद्विश्वे देवाः (३)

सूक्तवाचः पृथिवि मातर्मा मां हिंसीमधुं मनिष्ये मधुं जनिष्ये मधुं वक्ष्यामि मधुं वदिष्यामि
मधुमती देवेभ्यो वाचमुद्यासः शुश्रूषेण्याम्मनुष्यैभ्यस्तम्मा देवा अवन्तु शोभायै पितरोऽनु मदन्तु॥ (४)

शसिषद्विश्वे देवा अष्टाविंशतिश्च॥ [२]

वसंवस्त्वा प्र वृहन्तु गायत्रेण छन्दसाऽग्नेः प्रियम्पाथ उपैहि रुद्रास्त्वा प्र वृहन्तु त्रैष्टुभेन छन्दसेन्द्रस्य प्रियम्पाथ उपैह्यादित्यास्त्वा प्र वृहन्तु जागतेन छन्दसा विश्वेषां देवानां प्रियम्पाथ उपैहि मान्दांसु ते शुक्र शुक्रमा धूनोमि भन्दनांसु कोतनांसु नूतनांसु रेशीषु मेपीषु वाशीषु विश्वभृत्सु माध्वीषु ककुहांसु शक्ररीषु (५)

शुक्रांसु ते शुक्र शुक्रमा धूनोमि शुक्रं तै शुकेण गृह्णाम्यहो रूपेण सूर्यस्य रश्मिभिः। आऽस्मिन्नुग्रा अचुच्यवुर्विदो धारां असश्चत। ककुहं रूपं वृषभस्य रोचते बृहत्सोमः सोमस्य पुरोगाः शुक्रः शुक्रस्य पुरोगाः। यत्तै सोमादाभ्यं नाम जागृवि तस्मै ते सोम सोमाय स्वाहोशित्कं देव सोम गायत्रेण छन्दसाऽग्नेः (६)

प्रियम्पाथो अपीहि वशी त्वं देव सोम त्रैष्टुभेन छन्दसेन्द्रस्य प्रियम्पाथो अपीह्यस्मत्संखा त्वं देव सोम जागतेन छन्दसा विश्वेषां देवानां प्रियम्पाथो अपीह्या नः प्राण एतु परावत आन्तरिक्षाद्विस्परि। आयुः पृथिव्या अध्यमृतमसि प्राणाय त्वा। इन्द्राग्नी मे वर्चः कृणुतां वर्चः सोमो बृहस्पतिः। वर्चो मे विश्वे देवा वर्चो मे धत्तमश्विना। दधन्वे वा यदीमानु वोचद्ब्रह्माणि वेरु तत्। परि विश्वानि काव्यां नेमिश्चक्रमिवाभवत्॥ (७)

शक्ररीष्वग्नेर्वृहस्पतिः पञ्चविंशतिश्च॥ [३]

एतद्वा अपां नामधेयं गुह्यं यदाधावा मान्दांसु ते शुक्र शुक्रमा धूनीमीत्याहापामेव नामधेयेन गुह्येन दिवो वृष्टिमव रुद्धे शुक्रं तै शुकेण गृह्णामीत्याहेतद्वा अहो रूपं यद्रात्रिः सूर्यस्य रश्मयो वृष्टा ईशतेऽहं एव रूपेण सूर्यस्य रश्मिर्भेदिवो वृष्टिं च्यावयत्याऽस्मिन्नुग्राः (८)

अचुच्यवुरित्याह यथायजुरेवैतत्ककुहं रूपं वृषभस्य रोचते बृहदित्याहेतद्वा अस्य ककुहं रूपं यद्वृष्टी रूपेणैव वृष्टिमव रुद्धे यत्तै सोमादाभ्यं नाम जागृवीत्याहेष ह वै हविषां हविर्यजति योऽदाभ्यं गृहीत्वा सोमाय जुहोति परा वा एतस्यायुः प्राण एति (९)

योऽंशुं गृह्णात्या नः प्राण एतु परावत इत्याहायुरेव प्राणमात्मन्थतेऽमृतमसि प्राणाय त्वेति हिरण्यमभि व्यनित्यमृतं वै हिरण्यमायुः प्राणोऽमृतेनैवायुरात्मन्थते शतमानम्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठत्यप उप स्पृशति भेषजं वा आपौ भेषजमेव कुरुते॥ (१०)

उग्रा एत्यापस्त्रीणि च॥ [४]

वायुरंसि प्राणो नाम सवितुराधिपत्येऽपानं मै दाश्चक्षुरंसि श्रोत्रं नाम धातुराधिपत्य आयुर्मै दा रूपमंसि वर्णो नाम बृहस्पतेराधिपत्ये प्रजां मै दा ऋतमंसि सत्यं नामेन्द्रस्याधिपत्ये क्षत्रं मै दा भूतमंसि भव्यं नाम पितृणामाधिपत्येऽपामोषधीनां गर्भं धा ऋतस्य त्वा व्योमन ऋतस्य (११)

त्वा विभूमन ऋतस्य त्वा विधर्मण ऋतस्य त्वा सत्यायुतस्य त्वा ज्योतिषे प्रजापतिर्विराजंमपश्यत्तयां भूतं च भव्यं चासृजत् तामृषिभ्यस्तिरोऽदधात्तां जमदग्निस्तपसाऽपश्यत्तया वै स पृथीन्कामानसृजत् तत्पृथीनां पृथित्वम् यत्पृथंगो गृह्यन्ते पृथीनेव तैः कामान् यजमानोऽव रुद्धे वायुरंसि प्राणः (१२)

नामेत्याह प्राणापानावेवाव रुन्दे चक्षुरसि श्रोत्रं नामेत्याहायुरेवाव रुन्दे रूपमसि वर्णो नामेत्याह प्रजामेवाव रुन्दे ऋतमसि सत्यं नामेत्याह क्षत्रमेवाव रुन्दे भूतमसि भव्यं नामेत्याह पशवो वा अपामोपधीनां गर्भः पशून्नेव (१३)

अव रुन्द एतावद्वै पुरुषम्परितस्तदेवाव रुन्द ऋतस्य त्वा व्योमन् इत्याहेयं वा ऋतस्य व्योमेमामेवाभि जयत्यृतस्य त्वा विभूमन् इत्याहान्तरिक्षं वा ऋतस्य विभूमान्तरिक्षमेवाभि जयत्यृतस्य त्वा विधर्मण इत्याह द्यौर्वा ऋतस्य विधर्म दिवमेवाभि जयत्यृतस्य (१४)

त्वा सत्यायेत्याह दिशो वा ऋतस्य सत्यं दिश एवाभि जयत्यृतस्य त्वा ज्योतिष इत्याह सुवर्गो वै लोक ऋतस्य ज्योतिः सुवर्गमेव लोकमभि जयत्येतावन्तो वै देवलोकस्तानेवाभि जयति दश सम्पद्यन्ते दशाक्षरा विराडन्नं विराड्विराज्येवान्नाद्ये प्रति तिष्ठति॥ (१५)

व्योमन् ऋतस्य प्राणः पशून्नेव विधर्म दिवमेवाभि जयत्यृतस्य षट्त्वारिंशच्च॥ [५]

देवा वै यद्यज्ञेन नावारुन्धत् तत्परैरवारुन्धत् तत्पराणां परत्वम् यत्परं गृह्यन्ते यदेव यज्ञेन नावरुन्दे तस्यावरुन्द्यै यम्प्रथमं गृह्णातीममेव तेन लोकमभि जयति यं द्वितीयमन्तरिक्षं तेन यं तृतीयममुमेव तेन लोकमभि जयति यदेते गृह्यन्ते एषां लोकानामभिजित्यै (१६)

उत्तरेष्वहःस्वमुतोऽर्वाञ्चो गृह्यन्तेऽभिजित्यैवेमाह्लौकान्युनरिमं लोकम्प्रत्यवरोहन्ति यत्पूर्वेष्वहःस्वितः पराञ्चो गृह्यन्ते तस्मादितः पराञ्च इमे लोका यदुत्तरेष्वहःस्वमुतोऽर्वाञ्चो गृह्यन्ते तस्मादमुतोऽर्वा च इमे लोकास्तस्माद-यातायान्नो लोकान्मनुष्या उप जीवन्ति ब्रह्मवादिनो वदन्ति कस्मात्सत्यादद्य ओषधयः सम्भवन्त्योषधयः (१७)

मनुष्याणामन्नं प्रजापतिं प्रजा अनु प्र जायन्त इति परानन्विति ब्रूयाद्यद्रूह्यात्यन्त्यस्वौषधीभ्यो गृह्णामीति तस्मादद्य ओषधयः सम्भवन्ति यद्रूह्यात्योषधीभ्यस्त्वा प्रजाभ्यो गृह्णामीति तस्मादोषधयो मनुष्याणामन्नम् यद्रूह्याति प्रजाभ्यस्त्वा प्रजापतये गृह्णामीति तस्मात्प्रजापतिं प्रजा अनु प्र जायन्ते॥ (१८)

अभिजित्या ओषधयोऽष्टाचत्वारिंशच्च॥ [६]

प्रजापतिर्देवासुरान्सृजत् तदनु यज्ञोऽसृज्यत यज्ञं छन्दांसि ते विष्वञ्चो व्यक्रामन्त्योऽसुराननु यज्ञोऽपौक्रामद्यज्ञं छन्दांसि ते देवा अमन्यन्तामी वा इदमभूवन् यद्वयश् स्म इति ते प्रजापतिमुपाधावन्त्यो-ऽब्रवीत्प्रजापतिश्छन्दसां वीर्यमादाय तद्वः प्र दास्यामीति स छन्दसां वीर्यम् (१९)

आदाय तदैभ्यः प्रायच्छुत्तदनु छन्दांस्यपौक्रामञ्छन्दांसि यज्ञस्ततो देवा अमन्वरासुरा य एवं छन्दसां वीर्यं वेदा श्राव्यास्तु श्रौषड्यज्ञ ये यजामहे वषट्कारो भवत्यात्मना पराऽस्य भ्रातृव्यो भवति ब्रह्मवादिनो वदन्ति कस्मै कम्भ्वर्युरा श्रावयतीति छन्दसां वीर्यायेति ब्रूयादेतद्वै (२०)

छन्दसां वीर्यमा श्राव्यास्तु श्रौषड्यज्ञ ये यजामहे वषट्कारो य एवं वेद सर्वार्यैरेव छन्दोभिरर्चति यत्किं चार्चति यदिन्द्रो वृत्रमहन्नमेध्यं तद्यद्यतोऽनपावपदमेध्यं तदथ कस्मादिन्द्रो यज्ञ आ सऽस्थातोऽरित्याहुरिन्द्रस्य

वा एषा यज्ञियां तनूर्यद्यज्ञस्तामेव तद्यजन्ति य एवं वेदोपैनं यज्ञो नमति॥ (२१)

स छन्दसां वीर्यं वा एव तदष्टौ च॥ [७]

आयुर्दा अग्ने हविषो जुषाणो घृतप्रतीको घृतयोनिरेधि। घृतम्पीत्वा मधु चारुं गव्यं पितेवं पुत्रमभि रक्षतादिमम्। आ वृश्चते वा एतद्यजमानोऽग्निभ्यां यदेनयोः शृतंकृत्याथान्यत्रावभृथमवैत्यायुर्दा अग्ने हविषो जुषाण इत्यवभृथमवैष्यञ्जुहुयादाहुत्यैवैनौ शमयति नार्तिमाच्छति यजमानो यत्कुसीदम् (२२)

अप्रतीत्तमपि येन यमस्य बलिना चरामि। इहैव सन्निरवदये तदेतत्तदग्ने अनुणो भवामि। विश्वलोप विश्वदावस्य त्वासञ्जुहोम्यग्धादेकोऽहुतादेकः समसनादेकः। ते नः कृण्वन्तु भेषजं सद् सहो वरैष्यम्। अयं नो नभसा पुरः सःस्फानो अभि रक्षतु। गृहाणामसमत्यै बहवो नो गृहा असन्ना। स त्वं नः (२३)

नभसस्पत ऊर्जं नो धेहि भद्रया। पुनर्नो नृथमा कृधि पुनर्नो रयिमा कृधि। देवं सःस्फान सहस्रपोषस्यैशिषे स नो रास्वाज्यानि रायस्पोष सुवीर्यं संवत्सरीणां स्वस्तिम्। अग्निवाव यम इयं यमी कुसीदं वा एतद्यमस्य यजमान आ दत्ते यदोषधीभिर्वेदिः स्तृणाति यदनुपौष्य प्रयायाद्वीवबद्धमैनम् (२४)

अमुष्मिँल्लोके नैनीयेरन् यत्कुसीदमप्रतीत्तमयीत्युपौषतीहैव सन् यमं कुसीदं निरवदायानृणः सुवर्गं लोकमेति यदि मिश्रमिव चरैदञ्जलिना सक्तून्रदाव्यं जुहुयादेप वा अग्निर्वैश्वानरो यत्प्रदाव्यः स एवेनः स्वदयत्यह्ना विधान्यामेकाष्टकायामपूपं चतुःशरावम्पत्क्ता प्रातरेतेन कक्षमुपौषेद्यदि (२५)

दहति पुण्यसमम्भवति यदि न दहति पापसममेतेन ह स्म वा ऋषयः पुरा विज्ञानेन दीर्घसन्नमुपं यन्ति यो वा उपद्रष्टारमुपश्रोतारमनुख्यातारं विद्वान् यजते सममुष्मिँल्लोकं इष्टापूतेन गच्छतेऽग्निर्वा उपद्रष्टा वायुरुपश्रोताऽऽदित्योऽनुख्याता तान् य एवं विद्वान् यजते सममुष्मिँल्लोकं इष्टापूतेन गच्छतेऽयं नो नभसा पुरः (२६)

इत्याहाऽग्निर्वै नभसा पुरोऽग्निमेव तदाहेतन्मै गोपायेति स त्वं नो नभसस्पत इत्याह वायुर्वै नभसस्पतिर्वायुमेव तदाहेतन्मै गोपायेति देवं सःस्फानेत्याहासौ वा आदित्यो देवः सःस्फान आदित्यमेव तदाहेतन्मै गोपायेति॥ (२७)

कुसीदन्त्वन्न एनमोषेद्यदि पुर आदित्यमेव तदाहेतन्मै गोपायेति॥ [८]

एतं युवानं परिं वो ददामि तेन क्रीडन्तीश्वरत प्रियेण। मा नः शाप्त जुनुषां सुभागा रायस्पोषेण समिषा मदेमा। नमो महिन्न उत चक्षुषे ते मरुताम्पितस्तदहं गृणामि। अनु मन्यस्व सुयजा यजाम जुष्टं देवानामिदमस्तु हव्यम्। देवानामेष उपनाह आसीदपां गर्भं ओषधीषु न्यक्तः। सोमस्य द्रप्समवृणीत पूषा (२८)

बृहन्नद्रिभ्रवत्तदेपाम्। पिता वत्सानाम्पतिरग्नियानामथो पिता महुतां गर्गराणाम्। वत्सो जरायुं प्रतिधुक्पीयूषं आमिक्षा मस्तु घृतमस्य रेतः। त्वां गावोऽवृणत राज्याय त्वां हवन्त मरुतः स्वर्काः। वर्ष्मन्क्षत्रस्यं ककुभिं शिश्रियाणस्ततो न उग्रो वि भञ्जा वसूनि। व्युद्धेन वा एष पशुनां यजते यस्यैतानि

न क्रियन्तं एष ह त्वे समृद्धेन यजते यस्यैतानि क्रियन्तं॥ (२९)

पूषा क्रियन्तं एषोऽष्टौ च॥ [९]

सूर्यो देवो दिविषद्भ्यो धाता क्षत्राय वायुः प्रजाभ्यः। बृहस्पतिस्त्वा प्रजापतये ज्योतिष्मती जुहोतु। यस्यास्ते हरितो गर्भोऽथो योनिर्हरिण्ययी। अङ्गान्यहुता यस्ये तां देवैः समजोगमम्। आ वर्तन वर्तय नि निवर्तन वर्तयेन्द्र नर्दबुद। भूम्याश्चतस्रः प्रदिशस्ताभिरा वर्तया पुनः। वि तै भिनन्नि तकरी वि योनि वि गवीन्यौ। वि (३०)

मातरं च पुत्रं च वि गर्भं च जरायुं च। बहिस्ते अस्तु बालिते। उरुद्रप्सो विश्वरूप इन्दुः पर्वमानो धीरं आनञ्ज गर्भम्। एकपदी द्विपदी त्रिपदी चतुष्पदी पञ्चपदी षट्पदी सप्तपद्यष्टापदी भुवनान् प्रथताः स्वाहा। मही द्यौः पृथिवी च न इमं यजमिमिक्षताम्। पिपृता नो भरीमभिः॥ (३१)

गवीन्यौ वि चतुश्चत्वारिंशच्च॥ [१०]

इदं वामास्यं हविः प्रियमिन्द्राबृहस्पती। उक्थम्मदश्च शस्यते। अयं वां परि पिच्यते सोम इन्द्राबृहस्पती। चारुमदाय पीतये। अस्मे इन्द्राबृहस्पती रयिं धत्तं शतग्विनम्। अश्वावन्तः सहस्रिणम्। बृहस्पतिर्नः परि पातु पश्चादुतोत्तरस्मादधरादघायोः। इन्द्रः पुरस्तादुत मध्यतो नः सखा सखिभ्यो वरिवः कृणोतु। वि ते विष्वग्वातंजूतासो अग्ने भामांसः (३२)

शुचे शुचयश्चरन्ति। तुविम्रक्षासौ दिव्या नवग्वा वनां वनन्ति धृषता रुजन्तः। त्वामग्ने मानुषीरीडते विशो होत्राविदं विविचि रत्नधातमम्। गुहा सन्तः सुभग विश्वदर्शतं तुविष्मणसः सुयजं घृतश्रियम्। धाता ददातु नो रयिमीशानो जगत्स्पतिः। स नः पूर्णेन वावनत। धाता प्रजाया उत राय ईशे धातेद विश्वम्भुवं जजान। धाता पुत्रं यजमानाय दातां (३३)

तस्मा उ हव्यं घृतवद्विधेमा धाता ददातु नो रयिम्राची जीवातुमिक्षताम्। वयं देवस्य धीमहि सुमतिः सत्यराधसः। धाता ददातु दाशुषे वसूनि प्रजाकामाय मीढुषे दुरोणे। तस्मै देवा अमृताः सं व्ययन्तां विश्वे देवासो अर्दतिः सजोषाः। अनु नोऽद्यानुमतिर्यज्ञं देवेषु मन्यताम्। अग्निश्च हव्यवाहनो भवतां दाशुषे मयः। अन्विदनुमते त्वम् (३४)

मन्यासे शं च नः कृधि। ऋत्वे दक्षां नो हिनु प्र ण आयूःपि तारिषः। अनु मन्यतामनुमन्यमाना प्रजावन्तः रयिमक्षीयमाणम्। तस्यै वयः हेडसि मापि भूम सा नो देवी सुहवा शर्म यच्छतु। यस्यामिदम्प्रदिशि यद्विरोचतेऽनुमतिं प्रति भूषन्त्यायवं। यस्या उपस्थ उर्वन्तरिक्षः सा नो देवी सुहवा शर्म यच्छतु (३५)

राकामहः सुहवाः सुष्टुती हुवे शृणोतु नः सुभगा बोधतु त्वना। सीव्यत्वपः सूच्याऽच्छिद्यमानया ददातु वीरः शतदायमुक्थ्यम्। यास्ते राके सुमतयः सुपेशसो याभिर्ददांसि दाशुषे वसूनि। तामिर्नो अद्य सुमनां उपागहि सहस्रपोषः सुभगे रराणा। सिनीवालि या सुपाणिः। कुहूमहः सुभगा विद्वानापसमस्मिन्

यज्ञे सुहवां जोहवीमि। सा नो ददातु श्रवणम्यितृणां तस्यांस्ते देवि हविषां विधेम। कुहूर्देवानांमृतस्य
पत्नी हव्यां नो अस्य हविषश्चिकेतु। सं दाशुषं किरतु भूरिं वामं रायस्पोषं चिकितुषं दधातु॥ (३६)

भामांसो दाता त्वमन्तरिक्षं सा नो देवी सुहवा शर्म यच्छतु श्रवणं चतुर्विंशतिश्च॥ [११]

वि वा एतस्या वांयो इमे वै चित्तश्चाग्निभूतानां देवा वा अभ्यातानानृतपाद्वाष्ट्रकामाय देविका
वास्तोष्पते त्वमग्ने बृहदेकादश॥ [१२] वि वा एतस्येत्याह मृत्युर्गन्धर्वोऽव रुन्धे मध्यतस्त्वमग्ने
बृहध्मद्वत्वारिंशत्॥ 46॥ वि वा एतस्य प्रियासः॥

॥चतुर्थः प्रश्नः॥

॥तैत्तिरीयसंहितायां तृतीयकाण्डे चतुर्थः प्रश्नः॥

वि वा एतस्य यज्ञं ऋध्यते यस्य हविरन्तरिक्षं सूर्यो देवो दिविपद्भ्य इत्याह बृहस्पतिना चैवास्य
प्रजापतिना च यज्ञस्य व्युद्धमपि वपति रक्षांसि वा एतत्पुंश्च संचन्ते यदेकदेवत्यं आलब्धो भूयान्भवति
यस्यांस्ते हरितो गर्भ इत्याह देवत्रैवेना गमयति रक्षसामपहत्या आ वर्तन वर्तयेत्याह (१)

ब्रह्मणैवेना वर्तयति वि ते भिनद्धि तकरीमित्याह यथायजुरेवेतदुरुद्रप्सो विश्वरूप इन्दुरित्याह
प्रजा वै पशव इन्दुः प्रजयैवेनम्पशुभिः समर्धयति दिवं वै यज्ञस्य व्युद्धं गच्छति पृथिवीमतिरिक्तन्तद्यत्र
शमयेदार्तिमार्च्छं यजमानो मही द्यौः पृथिवी च न इति (२)

आह द्यावापृथिवीभ्यामेव यज्ञस्य व्युद्धं चार्तिरिक्तं च शमयति नार्तिमार्च्छति यजमानो भस्मनाभि
समूहति स्वगाकृत्या अथो अनयोर्वा एष गर्भोऽनयोरेवैनं दधाति यदवद्येदति तद्रेचयेद्यत्रावद्येत्यशोरालब्धस्य
नावं द्येत् पुरस्तान्नाभ्यां अन्यदवद्येदुपरिष्टादन्यत्पुरस्ताद्धे नाभ्यै (३)

प्राण उपरिष्टादपानो यावानेव पशुस्तस्याव द्यति विष्णवे शिपिविष्टाय जुहोति यद्वै यज्ञस्यातिरिच्यते
यः पशोभूमा या पुष्टिस्तद्विष्णुः शिपिविष्टोऽतिरिक्त एवार्तिरिक्तं दधात्यतिरिक्तस्य शान्त्या अष्टाप्रद्विरण्यं
दक्षिणाऽष्टापदी ह्येषात्मा नवमः पशोरास्यां अन्तरकोश उष्णीषेणाविष्टितम्भवत्येवमिव हि पशुरुत्बमिव चर्मव
मांसमिवास्तीव यावानेव पशुस्तमात्वाव रुद्धे यस्थेषा यज्ञे प्रायश्चित्तिः क्रियत इद्धा वसीयान्भवति॥ (४)

वर्तयेत्याह न इति वै नाभ्या उत्बमिवैकविंशतिश्च॥ [१]

आ वांयो भूष शुचिपा उप नः सुहस्रं ते न्युतो विश्ववार। उपो ते अन्धो मद्यमयामि यस्य
देव दधिषे पूर्वपेयम्। आकृत्यै त्वा कामाय त्वा समृधे त्वा किक्किटा ते मनः प्रजापतये स्वाहा किक्किटा
ते प्राणं वायवे स्वाहा किक्किटा ते चक्षुः सूर्याय स्वाहा किक्किटा ते श्रोत्रं द्यावापृथिवीभ्यां स्वाहा
किक्किटा ते वाचं सरस्वत्यै स्वाहा (५)

त्वं तुरीयां वशिनीं वशासिं सकृद्यत्वा मनसा गर्भं आशयत्। वशा त्वं वशिनीं गच्छ देवान्स्रुत्याः संतु यजमानस्य कामाः। अजासिं रयिष्ठा पृथिव्याः सौदोर्ध्वान्तरिक्षमुपं तिष्ठस्व दिवि तै बृहद्वाः। तन्तु तन्वत्रजसो भानुमन्विहि ज्योतिष्मतः पथो रंक्ष धिया कृतान्। अनुल्बणं वयत् जोगुं वामपो मनुर्भव जनया दैव्यं जनम्। मनसो हविरंसि प्रजापतेर्वर्णो गात्राणां ते गात्रभाजो भूयास्म॥ (६)

सरस्वत्यै स्वाहा मनुष्यौदश च॥ [२]

इमे वै सहास्तान्ते वायुर्व्यवाते गर्भमदधातान्५ सोमः प्राजनयदग्निरग्रसत् स एतं प्रजापतिराग्नेयमृष्टाकपालमपश्यत् निरवपत्तेनैवेनामग्नेरधि निरंक्रिणात्तस्मादप्यन्यदेवत्यामा लभमान आग्नेयमृष्टाकपालम्पुरस्तान्निर्वपेदग्नेरेवेनामधि निष्क्रिया लभते यत् (७)

वायुर्व्यवातस्माद्वायव्यां यदिमे गर्भमदधातां तस्माद्वावापृथिव्यां यथ्सोमः प्राजनयदग्निरग्रसत् तस्मादग्नीषोमीया यदनयोर्वियत्योर्वागवदत्तस्मात्सारस्वती यत्प्रजापतिरग्नेरधि निरंक्रिणात्तस्मात्प्राजापत्या सा वा एषा सर्वदेवत्यां यदजा वशा वायव्यामा लभेत भूतिकामो वायुर्वै क्षेपिष्ठा देवता वायुमेव स्वेन (८)

भागधेयेनोपं धावति स एवैनम्भूतिं गमयति द्यावापृथिव्यामा लभेत कृपमाणः प्रतिष्ठाकामो दिव एवास्यै पर्जन्यो वरपति व्यस्यामोपंधयो रोहन्ति समर्धकमस्य सस्यम्भवत्यग्नीषोमीयामा लभेत यः कामयेतात्रवानत्रादः स्यामित्यग्निनैवान्रमव रुद्धे सोमैनात्राद्यमत्रवानेवान्रादो भवति सारस्वतीमा लभेत यः (९)

ईश्वरो वाचो वदितोः सन्वाचं न वदेद्वाचै सरस्वती सरस्वतीमेव स्वेन भागधेयेनोपं धावति सैवास्मिन्वाचं दधाति प्राजापत्यामा लभेत यः कामयेतानभिजितमभि जयेयमिति प्रजापतिः सर्वा देवता देवताभिरवानभिजितमभि जयति वायुर्व्ययोपाकरंरोति वायोरेवेनामवुरुध्या लभत आकृत्यै त्वा कामाय त्वा (१०)

इत्याह यथायजुरेवैतत्किंकिटाकारं जुहोति किंकिटाकारेण वै ग्राम्याः पशवो रमन्ते प्रारण्याः पतन्ति यत्किंकिटाकारं जुहोति ग्राम्याणां पशूनां धृत्यै पर्यग्नौ क्रियमाणे जुहोति जीवन्तीमेवेना५ सुवर्गं लोकङ्गमयति त्वं तुरीयां वशिनीं वशासीत्याह देवत्रैवेना गमयति स्रुत्याः संतु यजमानस्य कामा इत्याहेप वै कामः (११)

यजमानस्य यदनात् उदृचं गच्छति तस्मादेवमाहाजासिं रयिष्ठेत्याहेष्वैना लोकेषु प्रतिं षापयति दिवि तै बृहद्वा इत्याह सुवर्ग एवास्यै लोके ज्योतिर्दधाति तन्तु तन्वत्रजसो भानुमन्विहीत्याहेमानेवास्यै लोकां ज्योतिष्मतः करोत्यनुल्बणं वयत् जोगुं वामप इति (१२)

आहु यदेव यज्ञ उल्बणं क्रियते तस्यैवैषा शान्तिर्मनुर्भव जनया दैव्यं जनमित्याह मानव्यो वै प्रजास्ता एवाद्याः कुरुते मनसो हविरसीत्याह स्वगाकृत्यै गात्राणां ते गात्रभाजो भूयास्मेत्याह शिषमेवेतामा शास्ते तस्यै वा एतस्या एकमेवादवयजनं यदालंब्यायामभ्रः (१३)

भवति यदालंब्यायामभ्रः स्यादप्सु वा प्रवेशयेत्सर्वा वा प्राश्रीयद्यदप्सु प्रवेशयेद्यज्ञवेशं कुर्यात्सर्वामेव प्राश्रीयदिन्द्रियमेवात्मन्ते सा वा एषा त्रयाणामेवावरुद्धा संवत्सरसदः सहस्रयाजिनो गृहमधिनुस्त एवैतया यजेरन्तेषामेवेषाता॥ 14॥

यथस्वेन सारस्वतीमा लभेत यः कामाय त्वा कामोऽप इत्युभो द्विचत्वारिंशच्च॥ [३]

चित्तं च चित्तिश्चाकृतं चाकृतिश्च विज्ञातं च विज्ञानं च मनश्च शक्नोतिश्च दर्शश्च पूर्णमांसश्च बृहच्च रथन्तरं च प्रजापतिर्जयानिन्द्राय वृष्णे प्रार्यच्छदुग्रः पृतनाज्येषु तस्मै विशः समनमन्तु सर्वाः स उग्रः स हि हव्यो बभूव देवासुराः संयत्ता आसन्त्स इन्द्रः प्रजापतिमुपाधावत्तस्मा एताञ्जयान्प्रायच्छत्तानंजुहोततो वै देवा असुरानजयन् यदजयन्तञ्जयानां जयत्वश्च स्पर्धमानेनेते होतव्या जयत्येव तां पृतनाम्॥ (१५)

उप पञ्चविंशतिश्च॥

[४]

अग्निभूतानामधिपतिः स मावत्विन्द्रो ज्येष्ठानां यमः पृथिव्या वायुरन्तरिक्षस्य सूर्यो दिवश्चन्द्रमा नक्षत्राणाम्बृहस्पतिर्ब्रह्मणो मित्रः सत्यानां वरुणोऽपाः समुद्रः स्रोत्यानामन्नः साम्राज्यानामधिपतिः तन्मावतु सोम ओषधीनां सविता प्रसवानां रुद्रः पशूनां त्वष्टा रूपाणां विष्णुः पर्वतानाम्मरुतो गुणानामधिपतयस्ते मावन्तु पितरः पितामहाः परेऽवरे ततोस्ततामहा इह मावत। अस्मिन्ब्रह्मन्त्रस्मिन्क्षत्रेऽस्यामाशिष्यस्याम्पुरोधाया- मस्मिन्कर्मन्त्रस्यां देवहूत्याम्॥ (१६)

अवरे सप्तदश च॥

[५]

देवा वै यद्यज्ञेऽकुर्वत तदसुरा अकुर्वत ते देवा एतानभ्यातानानपश्यन्तानभ्यातन्वत यद्देवानां कर्मासीदार्थत तद्यदसुराणां न तदार्थत येन कर्मणैर्धर्मतत्र होतव्या ऋध्नोत्येव तेन कर्मणा यद्विश्वे देवाः समभर्न्तस्मादभ्याताना वैश्वदेवा यत्प्रजापतिर्जयान्प्रायच्छत्तस्माञ्जयाः प्राजापत्याः (१७)

यद्राष्ट्रभृद्द्वौ राष्ट्रमाददत तद्राष्ट्रभृताः राष्ट्रभृत्वन्ते देवा अभ्यातानैरसुरानभ्यातन्वत जयैरजयत्राष्ट्रभृद्द्वौ राष्ट्रमाददत यद्देवा अभ्यातानैरसुरानभ्यातन्वत तदभ्यातानानामभ्यातानत्वं यद्ययैरजयन्तञ्जयानां जयत्वं यद्राष्ट्रभृद्द्वौ राष्ट्रमाददत तद्राष्ट्रभृताः राष्ट्रभृत्वन्ततो देवा अभवन्परासुरा यो भ्रातृव्यवान्स्यात्स एताञ्जुह्यादभ्यातानैरेव भ्रातृव्यानभ्यातनुते जयैर्जयति राष्ट्रभृद्द्वौ राष्ट्रमा दत्ते भवत्यात्मना परास्य भ्रातृव्यो भवति॥ (१८)

प्राजापत्याः सौष्ट्यादश च॥

[६]

ऋतापाडुताधामाऽग्निर्गन्धर्वस्तस्योषधयोऽप्सरस ऊर्जो नाम स इदं ब्रह्म क्षत्रं पातु ता इदं ब्रह्म क्षत्रं पातु तस्मै स्वाहा ताभ्यः स्वाहा संहितो विश्वसामा सूर्यो गन्धर्वस्तस्य मरीचयोऽप्सरस आयुवः सुषुम्नः सूर्यरश्मिश्चन्द्रमा गन्धर्वस्तस्य नक्षत्राण्यप्सरसो बिकुरयो भुज्युः सुपर्णो यज्ञो गन्धर्वस्तस्य दक्षिणा अप्सरसः स्तवाः प्रजापतिर्विश्वकर्मा मनः (१९)

गन्धर्वस्तस्यर्त्सामान्यप्सरसो वह्नय इषिरो विश्वव्यं चा वातो गन्धर्वस्तस्यापौऽप्सरसो मुदा भुवनस्य पते यस्य त उपरि गृहा इह च। स नो रास्वाज्यानि रायस्पोष सुवीर्य संवत्सरीणां स्वस्तिम्। परमेष्ठरधिपतिर्मुत्युर्गन्धर्वस्तस्य विश्वमप्सरसो भुवः सुक्षितिः सुभूतिर्भद्रकृत्सुर्वान्पुर्जान्यो गन्धर्वस्तस्य विद्युतोऽप्सरसो रुचो दूरेहेतिरमुडयः (२०)

मुत्युर्गन्धर्वस्तस्य प्रजा अप्सरसो भीरुवशार्कः कृपणकाशी कामो गन्धर्वस्तस्याधयोऽप्सरसः शोचयन्तीनाम स इदं ब्रह्म क्षत्रं पातु ता इदं ब्रह्म क्षत्रं पातु तस्मै स्वाहा ताभ्यः स्वाहा

स नो भुवनस्य पते यस्य त उपरि गृहा इह च। उरु ब्रह्मणेऽस्मै क्षत्राय महि शर्म यच्छ॥ (२१)

मनोऽमुद्यः पद्वत्वारिः शच॥

[७]

राष्ट्रकामाय होतव्या राष्ट्रं वै राष्ट्रभूतो राष्ट्रेणैवास्मै राष्ट्रमव रुन्दे राष्ट्रमेव भवत्यात्मने होतव्या राष्ट्रं वै राष्ट्रभूतो राष्ट्रं प्रजा राष्ट्रम्शवो राष्ट्रं यच्छ्रेष्ठो भवति राष्ट्रेणैव राष्ट्रमव रुन्दे वसिष्ठः समानानां भवति ग्रामकामाय होतव्या राष्ट्रं वै राष्ट्रभूतो राष्ट्रं संजाता राष्ट्रेणैवास्मै राष्ट्रं संजातानव रुन्दे ग्रामी (२२)

एव भवत्यधिदेवं जुहोत्यधिदेवं एवास्मै सजातानव रुन्दे त एनमवरुद्धा उप तिष्ठन्ते रथमुख ओजस्कामस्य होतव्या ओजो वै राष्ट्रभूत ओजो रथ ओजसैवास्मा ओजोऽव रुन्द ओजस्यैव भवति यो राष्ट्रादपभूतः स्यात्तस्मै होतव्या यावन्तोऽस्य रथाः स्युस्तान्द्र्याद्युद्धमिति राष्ट्रमेवास्मै युनक्ति (२३)

आहुतयो वा एतस्याक्लृप्ता यस्य राष्ट्रं न कल्पते स्वरथस्य दक्षिणं चक्रम्रवृहं नाडीमभि जुहुयादाहुतीवास्यं कल्पयति ता अस्य कल्पमाना राष्ट्रमनु कल्पते सङ्ग्रामे संयन्ते होतव्या राष्ट्रं वै राष्ट्रभूतो राष्ट्रे खलु वा एते व्यायच्छन्ते ये सङ्ग्राम संयन्ति यस्य पूर्वस्य जुह्वति स एव भवति जयति तं सङ्ग्रामं मौन्युक इध्मः (२४)

भुवत्यङ्गारा एव प्रतिवेष्टमाना अमित्राणामस्य सेनां प्रति वेष्टयन्ति य उन्माद्येत्तस्मै होतव्या गन्धर्वाप्सरसो वा एतमुन्मादयन्ति य उन्माद्येत्येते खलु वै गन्धर्वाप्सरसो यद्राष्ट्रभूतस्तस्मै स्वाहा ताभ्यः स्वाहेति जुहोति तेनैवेनाच्छमयति नैयग्रोध औदम्बर आश्वत्थः प्लाक्ष इतीधो भवत्येते वै गन्धर्वाप्सरसा गृहाः स्व एवेनान् (२५)

आयतने शमयत्यभिचरता प्रतिलोमं होतव्याः प्राणानेवास्यं प्रतीचः प्रति यौति तं ततो येन केन च स्तुणुते स्वकृत इरिणे जुहोति प्रदरे वैतद्वा अस्यै निरऋतिगृहीतं निरऋतिगृहीत एवेन निरऋत्या ग्राहयति यद्वाचः क्रूरन्तेन वपद्वरोति वाच एवेन क्रूरेण प्र वृक्षति ताजगार्तिमाच्छति यस्य कामयतात्राद्यम् (२६)

आ ददीयेति तस्य सभायामुत्तानो निपद्य भुवनस्य पत इति तृणानि सं गृहीयात्प्रजापतिर्वै भुवनस्य पतिः प्रजापतिनैवास्यान्नाद्यमा दत्त इदमहमुप्यामुष्यायणस्यान्नाद्यं हरामीत्याहान्नाद्यमेवास्यं हरति पृङ्गिरहरति पद्वा ऋतवः प्रजापतिनैवास्यान्नाद्यमादायर्तवोऽस्मा अनु प्र यच्छन्ति (२७)

यो ज्येष्ठबन्धुरपभूतः स्यात्तः स्थलंऽवसाय्यं ब्रह्मोदनं चतुःशरावम्पक्ता तस्मै होतव्या वर्ष्म वै राष्ट्रभूतो वर्ष्म स्थलं वर्ष्मणैवेन वर्ष्म समानानां गमयति चतुःशरावो भवति दिक्ष्वेव प्रति तिष्ठति क्षीरे भवति रुचमेवास्मिन्दधात्युद्धरति श्रुतत्वाय सर्पिष्वान्भवति मेध्यत्वाय चत्वारं आरपेयाः प्राश्रन्ति दिशामेव ज्योतिषि जुहोति॥ (२८)

ग्रामी युनक्तीध्मः स्व एवेनान्नाद्यं यच्छुन्येकात्रपञ्चाशच्च॥

[८]

देविका निर्वपेत्प्रजाकामश्छन्दांसि वै देविकाश्छन्दांसि खलु वै प्रजाश्छन्दांभिरेवास्मै प्रजाः प्र जनयति प्रथमं धातारं करोति मिथुनी एव तेन करोत्यन्वेवास्मा अनुमतिर्मन्यते राते राका प्र सिनीवाली

जंनयति प्रजास्वेव प्रजातासु कुह्वा वाचं दधात्येता एव निर्वपेत्पशुकामश्छन्दांसि वै देविकाश्छन्दांसि (२९)

इव खलु वै पशवश्छन्दांभिरेवास्यै पशून् जंनयति प्रथमं धातारं करोति प्रैव तेन वापयत्यन्वेवास्मा अनुमतिर्मन्यते राते राका प्र सिनीवाली जंनयति पशून् प्रजातांकुह्वा प्रति षापयत्येता एव निर्वपेद्ग्रामकामश्छन्दांसि वै देविकाश्छन्दांसीव खलु वै ग्रामश्छन्दांभिरेवास्यै ग्रामम् (३०)

अवं रुद्धे मध्यतो धातारं करोति मध्यत एवैनं ग्रामस्य दधात्येता एव निर्वपेद्योगामयावी छन्दांसि वै देविकाश्छन्दांसि खलु वा एतमभि मन्यन्ते यस्य ज्योगामयति छन्दांभिरेवैनमगदं करोति मध्यतो धातारं करोति मध्यतो वा एतस्याक्लृप्तं यस्य ज्योगामयति मध्यत एवास्य तेन कल्पयत्येता एव निः (३१)

वपेद्यं यज्ञो नोपनमेच्छन्दांसि वै देविकाश्छन्दांसि खलु वा एतं नोपं नमन्ति यं यज्ञो नोपनमति प्रथमं धातारं करोति मुखत एवास्यै छन्दांसि दधात्युपैनं यज्ञो नमत्येता एव निर्वपेदीजानश्छन्दांसि वै देविका यातयामानीव खलु वा एतस्य छन्दांसि य ईजान उक्तं धातारं करोति (३२)

उपरिष्टादेवास्यै छन्दांस्ययांतयामान्यवं रुद्ध उपैनमुत्तरो यज्ञो नमत्येता एव निर्वपेद्यम्मेधा नोपनमेच्छन्दांसि वै देविकाश्छन्दांसि खलु वा एतं नोपं नमन्ति यम्मेधा नोपनमति प्रथमं धातारं करोति मुखत एवास्यै छन्दांसि दधात्युपैनम्मेधा नमत्येता एव निर्वपेत् (३३)

रूक्कामश्छन्दांसि वै देविकाश्छन्दांसीव खलु वै रुक्छन्दांभिरेवास्मिन्नुचं दधाति क्षीरे भवन्ति रुचमेवासिन्मन्धति मध्यतो धातारं करोति मध्यत एवैनं रुचो दधाति गायत्री वा अनुमतिस्त्रिष्टुष्पाका जगंती सिनीवाल्यनुष्टुप्कुहूर्धाता वषट्कारः पूर्वपक्षो राकापरपक्षः कुहूरमावास्या सिनीवाली पौर्णमास्यनुमतिश्चन्द्रमा धाताऽष्टौ (३४)

वसवोऽष्टाक्षरा गायत्र्येकादश रुद्रा एकादशाक्षरा त्रिष्टुब्दादशादित्या द्वादशाक्षरा जगंती प्रजापतिरनुष्टुब्धाता वषट्कार एतद्वै देविकाः सर्वाणि च छन्दांसि सर्वाश्च देवता वषट्कारस्ता यत्सह सर्वा निर्वपेदीक्षरा एनम्प्रवहो द्वे प्रथमे निरुप्य धातुस्तृतीयं निर्वपेत्तथो एवोत्तरे निर्वपेत्तथैनं न प्र दहन्त्यथो यस्मै कामाय निरुप्यन्ते तमेवाभिरुपांप्रोति॥ (३५)

पशुकामश्छन्दांसि वै देविकाश्छन्दांसि ग्रामङ्कल्पयत्येता एव निरुत्तमन्धातारं करोति मेधा नमत्येता एव निर्वपेदष्टौ दहन्ति नवं च (९) देविकाः प्रजाकामो मिथुनी पशुकामः॥ [९]

वास्तोष्पते प्रति जानीह्यस्मान्स्वांवेशो अनमीवो भवा नः। यत्क्वमहं प्रति तन्नो जुषस्व शं नं एधि द्विपदे शं चतुष्पदे। वास्तोष्पते शमयां सुःसदा ते सक्षीमहि रण्वयां गातुमत्या। आवः क्षेमं उत योगे वरं नो यूयम्पात स्वस्तिभिः सदा नः। यत्स्यायम्प्रातरग्निहोत्रं जुहोत्याहुतीष्टका एव ता उपं धत्ते (३६)

यजमानोऽहोरात्राणि वा एतस्येष्टका य आर्हिताग्निथ्यायम्प्रातर्जुहोत्यहोरात्राण्येवास्वेष्टकाः कृत्वोपं धत्ते दशं समानत्रं जुहोति दशाक्षरा विराड्विराजमेवास्वेष्टका कृत्वोपं धत्तेऽथो विराज्येव यज्ञमांप्रोति चित्यंश्चित्योऽस्य भवति तस्माद्यत्र दशोषित्वा प्रयाति तद्यज्ञवास्त्ववांस्वेव तद्यत्ततोऽर्वाचीनम् (३७)

रुद्रः खलु वै वाँस्तोष्पतिर्यदहत्वा वास्तोष्पतीयंम्रयायाद्रुद्र एनम्भूत्वाग्निरनूत्वायं हन्याद्वास्तोष्पतीयं जुहोति भागधेयेनैवेन१ शमयति नार्तिमाच्छति यजमानो यद्युक्ते जुहुयाद्यथा प्रयाते वास्तावाहति जुहोति तादृगेव तद्यद्युक्ते जुहुयाद्यथा क्षेम आहति जुहोति तादृगेव तदहृतमस्य वास्तोष्पतीयं१ स्यात् (३८)

दक्षिणो युक्तो भवति सव्योऽयुक्तोऽयं वास्तोष्पतीयं जुहोत्युभयमेवाकुरपरिवर्गमेवेन१ शमयति यदेकया जुहुयाद्विहोमं कुर्यात्पुरोनुवाक्यामनूच्य याज्यया जुहोति सदेवत्वाय यद्धुत आदध्याद्रुद्रं गृहानन्वारोहयेद्यदव-
क्षाणान्यसम्प्रक्षाप्य प्रयायाद्यथा यज्ञवेशसं वादहनं वा तादृगेव तदयं ते योनिर्ऋत्विय इत्यरण्योः
समारोहयति (३९)

एष वा अग्नेर्योनिः स्व एवेनं योनौ समारोहयत्यथो खत्वाहुयदरण्योः समारूढो नश्येदुदस्याग्निः
सीदत्युनराधेयः स्यादिति या तै अग्ने यज्ञियां तनूस्तयेह्यारोहेत्यात्मन्समारोहयते यजमानो वा अग्नेर्योनिः
स्वायामेवेनं योन्या१ समारोहयते॥ (४०)

धत्तेऽर्वाचीनं१ स्यात्समारोहयति पञ्चचत्वारि१शच्च॥ [१०]

त्वमग्ने बृहद्वयो दधांसि देव दाशुषे। क्विर्गृहपतिर्युवा॥ हव्यवाडग्निरजरः पिता नो विभुर्विभावां
सुदृशीको अस्मे। सुगारहपत्याः समिषो दिदीह्यस्मद्रियुख्सम्मिमीहि श्रवांसि। त्वं चं सोम नो वशो
जीवातुं न मरामहे। प्रियस्तोत्रो वनस्पतिः। ब्रह्मा देवानां पदवीः कवीनामृषिर्विप्राणाम्महिषो मृगाणाम्। श्येनो
गृध्राणां१ स्वर्धित्विर्वनानां१ सोमः (४१)

पवित्रमत्येति रेभन्। आ विश्वदेव१ सत्पति१ सूक्तेरद्या वृणीमहे। सत्यसंव१ सवितारम॥ आ
सत्येन रजसा वर्तमानो निवेशयन्नमृतमत्यं च। हिरण्ययेन सविता रथेना देवो याति भुवना विपश्यन्।
यथा नो अदितिः कर्त्तृष्वे नृभ्यो यथा गवै। यथा तोकाय रुद्रियम॥ मा नस्तोके तनये मा न आयुषि
मा नो गोषु मा (४२)

नो अश्वेषु रीरिषः। वीरान्मा नो रुद्र भामितो वधीरहुविष्मन्तो नमसा विधेम ते। उदप्रुतो न
वयो रक्षमाणा वावदतो अभ्रियस्येव घोषाः। गिरिभ्रजो नोर्मयो मदन्तो बृहस्पतिर्मभ्यर्का अनावन्। ह१सैरिव
सखिभिर्वावदद्विरश्मन्मयानि नहना व्यस्यन्। बृहस्पतिरभि कनिकदद्वा उत प्रास्तौदुच्च विद्वा१ अगायत्। ए१द्र
सानसि१ रयिम् (४३)

सजित्वान१ सदासहम॥ वरषिष्ठमृतये भरा। प्र संसाहिषे पुरुहूत शत्रूञ्छेष्टस्ते शुष्मं इह रातिरस्तु।
इन्द्रा भ१र दक्षिणेना वसूनि पतिः सिन्धूनामसि रेवतीनाम्। त्व१ सुतस्यं पीतये सद्यो वृद्धो अजायथाः।
इन्द्र ज्येष्ठाय सुक्रतो। भुवस्त्वमिन्द्र ब्रह्मणा महान्भुवो विश्वेषु सवनेषु यज्ञियः। भुवो नृ१श्च्योवो विश्वस्मिन्मे
ज्येष्ठश्च मन्त्रः (४४)

विश्वचरणे। मित्रस्यं चरणणीधृतः श्रवो देवस्यं सानसिम्। सत्यं चित्रश्रवस्तमम्। मित्रो जनानं
यातयति प्रजानन्मित्रो दाधार पृथिवीमुत द्याम्। मित्रः कृष्टीरनिमिषाभि चष्टे सत्यायं हव्यं घृतवद्विधेम। प्र
स मित्रं मर्तो अस्तु प्रयंस्वान् यस्तं आदित्य शिक्वति व्रतेन। न हन्यते न जीयते त्वोतो नैनम्१हो
अश्रोत्यन्तितो न दूरात्। यत् (४५)

चिद्धि ते विशो यथा प्र देव वरुण व्रतम्। मिनीमसि द्यविद्यवि। यत्किं चेदं वरुण दैव्ये
जनैऽभिद्रोहम्नन्पुत्रांश्चरामसि। अचिन्ती यत्तव धर्मा युयोपिम मा नस्तस्मादेनसो देव रीरिषः। कित्वासो
यद्रिंरिपुर्न दीवि यद्वां घा सत्यमुत यन्न विद्म। सर्वा ता वि ष्यं शिथिरेवं देवाथा ते स्याम वरुण
प्रियासः॥ (४६)

सोमो गोषु मा रयिं मञ्जो यच्छिथिरा सप्त च॥ [११]

पूर्णरूपयोऽग्निना ये देवाः सूर्यो मा सन्त्वां नह्यामि वषट्कारः स खंदिर उपयामगृहीतोऽसि यां वै
त्वे क्रतुम्प्र देवमेकादश॥ [१२] पूर्णा संहजान्तवाग्ने प्राणैरेव षट्त्रिंशत्॥ ३६॥ पूर्णा सन्ति देवाः॥

॥पञ्चमः प्रश्नः॥

॥तैत्तिरीयसंहितायां तृतीयकाण्डे पञ्चमः प्रश्नः॥

पूर्णा पश्चादुत पूर्णा पुरस्तादुन्मध्यतः पौर्णमासी जिंगाया। तस्यां देवा अधि संवसन्त उत्तमे नाकं
इह मादयन्ताम्। यत्तं देवा अर्द्धभुर्भागधेयममावास्ये संवसन्तो महित्वा। सा नो यज्ञमिंपृहि विश्ववारे रयिं
नो धेहि सुभगे सुवीरम्। निवेशनी संगमनी वसूनां विश्वां रूपाणि वसून्यावेशयन्ती। सहस्रपोषं सुभगा
रराणां सा न आ गन्वर्चसा (१)

संविदाना। अग्नीषोमौ प्रथमौ वीर्येण वसून्ब्रूवन्नादित्यानिह जिन्वतम्। माध्यं हि पौर्णमासं जुषेथां
ब्रह्मणा वृद्धो सुकृतेन सातावथास्मभ्यं सहवीरां रयिं नि यच्छतम्। आदित्याश्चाङ्गिरसश्चाग्नीनादधत
ते दंशपूर्णमासौ प्रैप्सन्तेषामङ्गिरसां निरुतं हविरासीदथादित्या एतौ होमावपश्यन्तावजुहवुस्ततो वै ते
दंशपूर्णमासौ (२)

पूर्वं आलभन्त दंशपूर्णमासावालभमान एतौ होमौ पुरस्ताद्ब्रूहयात्साक्षादेव दंशपूर्णमासावा
लभते ब्रह्मवादिनो वदन्ति स त्वे दंशपूर्णमासावालभेत य एनयोरनुलोमं च प्रतिलोमं च
विद्यादित्यमावास्याया ऊर्ध्वं तदनुलोममपौर्णमास्यै प्रतीचीनं तत्प्रतिलोमं यत्पौर्णमासीम्पूर्वामालभेत
प्रतिलोममेनावा लभेतामुर्मपक्षीयमाणमन्वप (३)

क्षीयेत सारस्वतौ होमौ पुरस्ताद्ब्रूहयादमावास्यां वै सरस्वत्यनुलोममेवैनावा लभतेऽमुमाप्यायमानमन्वा
प्यायत आग्नावैष्णवमेकादशकपालम्पुरस्तात्रिर्वपेथसरस्वत्यै चरुं सरस्वते द्वादशकपालं यदाग्नेयो भवत्यग्निर्वै
यज्ञमुखं यज्ञमुखमेवर्द्धिम्पुरस्ताद्धते यद्वैष्णवो भवति यज्ञो वै विष्णुर्यज्ञमेवारभ्य प्र तनुते सरस्वत्यै चरुर्भवति
सरस्वते द्वादशकपालोऽमावास्यां वै सरस्वती पूर्णमासः सरस्वान्तावेव साक्षादा रभत ऋद्रोत्याभ्यां द्वादशकपालः
सरस्वते भवति मिथुन्त्वाय प्रजात्यै मिथुनौ गावो दक्षिणा समृद्धे॥ (४)

वर्चसा वै ते दंशपूर्णमासावप तनुते सरस्वत्यै पञ्चविंशतिश्च॥ [१]

ऋपयो वा इन्द्रं प्रत्यक्षं नापश्यन्तं वसिष्ठः प्रत्यक्षं मृश्यन्तौऽब्रवीद्वाह्मणं ते वक्ष्यामि यथा त्वत्पुत्रोहिताः प्रजाः प्रजनिष्यन्तेऽथ मेतरेभ्य ऋषिभ्यो मा प्र वोचु इति तस्मा एतान् यस्तोमभागानब्रवीत्ततो वसिष्ठपुत्रोहिताः प्रजाः प्रजायन्त तस्माद्वासिष्ठो ब्रह्मा कार्यः प्रैव जायते रश्मिरसि क्षयाय त्वा क्षयं जिन्वेति (५)

आहु देवा वै क्षयौ देवेभ्य एव यज्ञम्राहु प्रेतिरसि धर्माय त्वा धर्मं जिन्वेत्याहु मनुष्या वै धर्मो मनुष्येभ्य एव यज्ञम्राहन्वितिरसि दिवे त्वा दिवं जिन्वेत्याहुभ्य एव लोकेभ्यो यज्ञम्राहं विष्टम्भोऽसि वृष्टौ त्वा वृष्टिं जिन्वेत्याहु वृष्टिमेवाव (६)

रुद्धे प्रवास्यनुवासीत्याहु मिथुनत्वायेशिर्गसि वसुभ्यस्त्वा वसूजिन्वेत्याहुष्टौ वसंव एकादश रुद्रा द्वादशादित्या एतावन्तो वै देवास्तेभ्य एव यज्ञम्राहौजोऽसि पितृभ्यस्त्वा पितृजिन्वेत्याहु देवानेव पितृननु सं तनोति तन्तुरसि प्रजाभ्यस्त्वा प्रजा जिन्व (७)

इत्याहु पितृनेव प्रजा अनु सं तनोति पृतनापाडसि पशुभ्यस्त्वा पशूजिन्वेत्याहु प्रजा एव पशूननु सं तनोति रेवदस्योपधीभ्यस्त्वोपधीजिन्वेत्याहोपधीष्वेव पशून्मतिं षापयत्यभिजिदसि युक्तग्रावेन्द्राय त्वेन्द्र जिन्वेत्याहुभिजित्या अधिपतिरसि प्राणाय त्वा प्राणम् (८)

जिन्वेत्याहु प्रजास्वेव प्राणान्दधाति त्रिवृदसि प्रवृद्सीत्याहु मिथुनत्वायं सःरोहोऽसि नीरोहोऽसीत्याहु प्रजात्यै वसुकोऽसि वेपथिरसि वस्यष्टिरसीत्याहु प्रतिष्ठित्यै॥ (९)

जिन्वेत्यव प्रजा जिन्व प्राणञ्चिःशच्च॥ [१]

अग्निना देवेन पृतना जयामि गायत्रेण छन्दसा त्रिवृता स्तोमैर्न रथन्तरेण साम्ना वषट्कारेण वज्रेण पूर्वजान्भ्रातृव्यान्धरान्पादयाम्यवैनान्वाधे प्रत्येनानुदेऽस्मिन्क्षयेऽस्मिन्भूमिलोके योऽस्मान्द्वेष्टि यं च वयं द्विष्मो विष्णोः क्रमेणात्येनान्क्रामामीन्द्रेण देवेन पृतना जयामि त्रैष्टुभेन छन्दसा पञ्चदशेन स्तोमैर्न बृहता साम्ना वषट्कारेण वज्रेण (१०)

सहजान् विश्वेभिर्देवेभिः पृतना जयामि जागतेन छन्दसा सप्तदशेन स्तोमैर्न वामदेव्येन साम्ना वषट्कारेण वज्रेणापरजानिन्द्रेण सयुजो वयं सासृह्याम पृतन्यतः। घ्नन्तो वृत्राण्यप्रति। यतं अग्रे तेजस्तेनाहं तेजस्वी भूयासं यतं अग्रे वर्चस्तेनाहं वचस्वी भूयासं यतं अग्रे हरस्तेनाहं हरस्वी भूयासम्॥ (११)

बृहता साम्ना वषट्कारेण वज्रेण पट्वत्वारिःशच्च॥ [३]

ये देवा यज्ञह्नो यज्ञमुपः पृथिव्यामध्यासन्ते। अग्निमा तेभ्यो रक्षतु गच्छेम सुकृतो वयम्। आगन्म मित्रावरुणा वरेण्या रात्रीणाम्भुगो युवयोर्यो अस्ति। नार्कं गृह्णानाः सुकृतस्य लोके तृतीयं पृष्ठे अधि रोचुने दिवः। ये देवा यज्ञह्नो यज्ञमुपोऽन्तरिक्षेऽध्यासन्ते। वायुर्मा तेभ्यो रक्षतु गच्छेम सुकृतो वयम्। यास्ते रात्रीः सवितः (१२)

देव्यानीरन्तरा द्यावापृथिवी विद्यन्ति। गृहेश्च सर्वैः प्रजया न्वग्रे सुवो रुहाणास्तरता रजांसि। ये देवा यज्ञह्नो यज्ञमुपो दिव्यध्यासन्ते। सूर्यो मा तेभ्यो रक्षतु गच्छेम सुकृतो वयम्। येनेन्द्राय सम्भरः

पयाँस्युत्तमेन हविषा जातवेदः। तेनाँग्रे त्वमुत् वर्धयेम९ संजातानाँ ऽ श्रेष्ठ आ धँहेनम्। यज्ञहो वै देवा यज्ञमुषः (१३)

सन्ति त एषु लोकेष्वासत आददाना विमथाना यो ददाति यो यजते तस्य। ये देवा यज्ञहनः पृथिव्यामप्यासते ये अन्तरिक्षे ये दिवीत्याहेमानेव लोकाँस्तीर्त्वा सगृहः सर्पशुः सुवर्गं लोकमेत्यप वै सोमैनेजानादेवताँश्च यज्ञश्च कामन्त्याग्नेयं पञ्चकपालमुदवसानायं निर्वपेदग्निः सर्वा देवताः (१४)

पाङ्क्तौ यज्ञो देवताँश्चैव यज्ञं चावं रुद्धे गायत्रो वा अग्निर्गायत्रछन्दास्तं छन्दसा व्यर्धयति यत्पञ्चकपालं करोत्यष्टाकपालः कार्योऽष्टाक्षरा गायत्री गांयत्रोऽग्निर्गायत्रछन्दाः स्वेनैवेनं छन्दसा समर्धयति पुङ्क्तौ याज्यानुवाक्यं भवतुः पाङ्क्तौ यज्ञस्तेनैव यज्ञात्रैति॥ (१५)

सवितर्देवा यज्ञमुषः सर्वा देवताँस्त्रिचत्वारिंशच्च॥ [४]

सूर्यो मा देवो देवेभ्यः पातु वायुरन्तरिक्षाद्यजमानोऽग्निर्मा पातु चक्षुषः। सक्ष शूष सवितर्विश्वचरण एतेभिः सोमं नामभिर्विधेम ते तेभिः सोमं नामभिर्विधेम ते। अहम्परस्तादहमवस्तादहं ज्योतिषा वि तमो ववार। यदन्तरिक्षं तदं मे पिताभूदह९ सूर्यमुभयतो ददर्शाहम्भूयासमुत्तमः संमानानाम् (१६)

आ संमुद्रादाऽन्तरिक्षात्प्रजापतिरुदधिं च्यावयातीन्द्रः प्र सौतु मरुतो वर्षयन्तून्त्रभय पृथिवीम्निन्दीदं दिव्यं नभः। उद्रो दिव्यस्यं नो देहीशानो वि सृजा द्रतिम्। पशवो वा एते यदादित्य एष रुद्रो यदग्निरुपधीः प्रास्याग्नावादित्यं जुहोति रुद्रादेव पशून्तर्दधात्यथो ओषधीष्वेव पशून् (१७)

प्रतिं छापयति क्विर्वयस्य वि तनोति पन्थां नाकस्य पृष्ठे अधिं रोचने दिवः। येनं हव्यं वहंसि यासिं दूत इतः प्रचेता अमुतः सनीयान्। यास्ते विश्वाः समिधः सन्त्यग्ने याः पृथिव्याम्बर्हिषि सूर्ये याः। तास्ते गच्छन्त्वाहुतिं घृतस्यं देवायते यजमानाय शर्म। आशासानः सुवीर्य९ रायस्पोष९ स्वधियम्। बृहस्पतिना राया स्वगाकृतो मह्यं यजमानाय तिष्ठ॥ (१८)

समानानामोषधीष्वेव पशून्मह्यं यजमानायैकश्च॥ [५]

सं त्वां नह्यामि पर्यसा घृतेन सं त्वां नह्याम्यप ओषधीभिः। सं त्वां नह्यामि प्रजयाहमद्य सा दीक्षिता संनवो वाजंमस्मे। प्रेतु ब्रह्मणस्पती वेदिं वर्णेन सीदतु। अथाहमनुकामिनी स्वे लोके विशा इह। सुप्रजसंस्त्वा वय९ सुपत्नीरुपं सेदिम। अग्ने सपत्नदम्भनमदब्धासो अदाभ्यम्। इमं वि ध्यामि वरुणस्य पाशम् (१९)

यमबन्ध्रीत सविता सुकेतः। धातुश्च योनौ सुकृतस्यं लोके स्योनं मे सह पत्यां करोमि। प्रेह्युदेह्युतस्यं वामीरन्वग्निस्तेऽग्रं नयत्विदिर्तिर्मध्यं ददता९ रुद्रावसृष्टासि युवा नाम मा मां हि९सीर्वसुभ्यो रुद्रेभ्यं आदित्येभ्यो विश्वेभ्यो वो देवेभ्यः पुत्रेजनीर्गृह्यामि यज्ञाय वः पुत्रेजनीः सादयामि विश्वस्य ते विश्वावतो वृष्णिंयावतः (२०)

तवाँग्रे वामीरनुं सन्दशि विश्वा रताँसि धिपीयागं देवान् यज्ञो नि देवीर्देवेभ्यो यज्ञमंशिषन्नस्मिन्सुन्वति

यजमान आशिषः स्वाहाकृताः समुद्रेष्टा गन्धर्वमा तिष्ठताऽनु। वातस्य पत्मांन्निड ईडिताः॥ (२१)

पाशं वृष्ण्यावतस्त्रिंशच्च॥

[६]

वृषद्गुरो वै गांयत्रिये शिरोऽच्छिन्नतस्यै रसः परापतत्स पृथिवीम्राविशत्स खदिरंऽभवद्यस्य खादिरः सुवो भवति छन्दसामेव रसेनाव द्यति सरंसा अस्याहुतयो भवन्ति तृतीयस्यामितो दिवि सोमं आसीत् गांयत्र्याहृतस्यं पर्णमच्छिद्यत् तत्पर्णोऽभवत्तत्पर्णस्यं पर्णत्वं यस्यं पर्णमयी जुहूः (२२)

भवति सौम्या अस्याहुतयो भवन्ति जुषन्तैऽस्य देवा आहुतीर्देवा वै ब्रह्मन्नवदन्त तत्पर्ण उपाशृणोथ्सुश्रवा वै नाम यस्यं पर्णमयी जुहूर्भवति न पापः श्लोकः शृणोति ब्रह्म वै पर्णो विष्मरुतोऽन्नं विष्मार्कृतोऽश्वत्यो यस्यं पर्णमयी जुहूर्भवत्याश्वत्युपभृद्ब्रह्मणैवान्नमवं रुन्देऽथो ब्रह्म (२३)

एव विश्वध्यूहति राष्ट्रं वै पर्णो विडंश्चत्यो यत्पर्णमयी जुहूर्भवत्याश्वत्युपभृद्वाष्ट्रमेव विश्वध्यूहति प्रजापतिर्वा अंजुहोत्सा यत्राहुतिः प्रत्यतिष्ठत्ततो विकङ्कत उदतिष्ठत्ततः प्रजा अंमृजत् यस्य वैकङ्कती ध्रुवा भवति प्रत्येवास्याहुतयस्तिष्ठन्त्यथो प्रैव जायत एतद्वै सूचा रूपं यस्यैव रूपः सूचो भवन्ति सर्वाण्येवैन रूपानि पशूनामुप तिष्ठन्ते नास्यापरूपमात्मजायते॥ (२४)

जुहूरथो ब्रह्म सूचा सप्तदश च॥

[७]

उपयामगृहीतोऽसि प्रजापतये त्वा ज्योतिष्मते ज्योतिष्मन्तं गृह्णामि दक्षाय दक्षवृधे रातं देवेभ्योऽग्निजिह्वेभ्यस्त्वर्तायुभ्य इन्द्रज्येष्ठेभ्यो वरुणराजभ्यो वातापिभ्यः पर्जन्यात्मभ्यो दिवे त्वान्तरिक्षाय त्वा पृथिव्ये त्वापेन्द्र द्विषतो मनोऽप जिज्यांसतो जह्यप यो नोऽरातीयति तं जंहि प्राणाय त्वापानाय त्वा व्यानाय त्वा सृते त्वासंते त्वाञ्चस्त्वौषधीभ्यो विश्वेभ्यस्त्वा भूतेभ्यो यतः प्रजा अक्स्विद्वा अजायन्त तस्मै त्वा प्रजापतये विभूदात्रे ज्योतिष्मते ज्योतिष्मन्तं जुहोमि॥ (२५)

ओषधीभ्यश्चतुर्दश च॥

[८]

यां वा अध्वर्युश्च यजमानश्च देवतामन्तरितस्तस्या आ वृश्चेते प्राजापत्यं दधिग्रहं गृहीयात्प्रजापतिः सर्वा देवता देवताभ्य एव नि हुंवाते ज्येष्ठो वा एष ग्रहाणां यस्येष गृह्यते ज्येष्ठमेव गच्छति सर्वासां वा एतद्देवतानां रूपं यदेष ग्रहो यस्येष गृह्यते सर्वाण्येवैन रूपानि पशूनामुप तिष्ठन्त उपयामगृहीतः (२६)

असि प्रजापतये त्वा ज्योतिष्मते ज्योतिष्मन्तं गृह्णामीत्याहु ज्योतिर्वैन समानानां करोत्यग्निजिह्वेभ्यस्त्वर्तायुभ्य इत्याहैतावतीर्वै देवतास्ताभ्य एवैन सर्वाभ्यो गृह्णाम्येन्द्र द्विषतो मन इत्याह भ्रातृव्यापनुत्यै प्राणाय त्वापानाय त्वेत्याह प्राणानेव यजमाने दधाति तस्मै त्वा प्रजापतये विभूदात्रे ज्योतिष्मते ज्योतिष्मन्तं जुहोमि (२७)

इत्याह प्रजापतिः सर्वा देवताः सर्वाभ्य एवैन देवताभ्यो जुहोत्याज्यग्रहं गृहीयात्तेजस्कामस्य तेजो वा आज्यं तेजस्व्यैव भवति सोमग्रहं गृहीयाद्ब्रह्मवर्चस्कामस्य ब्रह्मवर्चसं वै सोमो ब्रह्मवर्चस्यैव भवति

दधिग्रहं गृह्णीयात्पशुकामस्योगैर् दध्यूर्कृशवं ऊर्जैवास्मा ऊर्जं पशूनवं रुन्दे॥ (२८)

उपयामगृहीतो जुहोमि त्रिचत्वारिंशच्च॥ [१]

त्वे ऋतुमपि वृञ्जति विश्वे द्विर्यदेते त्रिर्भवन्त्युमाः। स्वादोः स्वादीयः स्वादुनां सृजा समतं ऊ पु मधु मधुनाभि योधि। उपयामगृहीतोऽसि प्रजापतये त्वा जुष्टं गृह्णाम्येष ते योनिः प्रजापतये त्वा। प्राणग्रहान्गृह्णात्येतावद्वा अस्ति यावदेते ग्रहाः स्तोमाश्छन्दांसि पृष्ठानि दिशो यावदेवास्ति तत् (२९)

अवं रुन्दे ज्येष्ठा वा एतान्ब्राह्मणाः पुरा विद्वामंक्रन्तस्मात्तेपां सर्वा दिशोऽभिजिता अभूवन् यस्यैते गृह्यन्ते ज्येष्ठमेव गच्छत्यभि दिशो जयति पञ्च गृह्यन्ते पञ्च दिशः सर्वास्वेव दिक्ष्वभ्रुवन्ति नवनव गृह्यन्ते नव वै पुरुषे प्राणाः प्राणानेव यजमानेषु दधति प्रायणीये चोदयनीये च गृह्यन्ते प्राणा वै प्राणग्रहाः (३०)

प्राणैरेव प्रयन्ति प्राणैरुद्यन्ति दशमेऽहंनृह्यन्ते प्राणा वै प्राणग्रहाः प्राणेभ्यः खलु वा एतत्प्राजा यन्ति यद्वाग्देव्यं योनेश्चवन्ते दशमेऽहंनृह्यन्ते योनेश्चवन्ते यद्दशमेऽहंनृह्यन्ते प्राणेभ्य एव तत्प्राजा न यन्ति। (३१)

तत्प्राणग्रहाः सप्तत्रिंशच्च॥ [१०]

प्र देवं देव्या धिया भरता जातवैदसम्। हव्या नो वक्षदानुषक। अयमु प्य प्र देव्युरहोता यज्ञाय नीयते। रथो न योरभिवृतो घृणीवाश्चेतति त्मना। अयमग्निरुरुष्यत्यमृतादिव जन्मनः। सहसश्चिथ्सहीयां देवो जीवातवे कृतः। इडायास्त्वा पदे वयं नाभां पृथिव्या अधि। जातवैदो नि धीमह्यग्रे हव्याय वोढवे। (३२)

अग्ने विश्वेभिः स्वनीक देवैरूणावन्तम्प्रथमः सीद योनिम्। कुलायिनं घृतवन्तं सवित्रे यज्ञं नय यजमानाय साधु। सीद होतः स्व उं लोके चिकित्वात्सादयां यज्ञं सुकृतस्य योनौ। देवावीर्देवान् हविषां यज्ञस्यग्रे बृहद्यजमाने वयो धाः। नि होता होतृपदने विदानस्त्वेषो दीदिवा अंसदध्मुदक्षः। अदंभ्रतप्रमतिर्वसिष्ठः सहस्रम्भुरः शुचिर्जिह्वो अग्निः। त्वं दूतस्त्वम् (३३)

उ नः परस्पास्त्वं वस्य आ वृषभ प्रणेता। अग्ने तोकस्यं नृस्तनं तनुनामप्रयुच्छन्दीद्यद्वेधो गोपाः। अभि त्वां देव सवितरीशानां वार्याणाम्। सदावन्भागमीमहे। मही द्यौः पृथिवी च न इमं यज्ञमिमिक्षताम्। पिपृतां नो भरीमभिः। त्वामग्ने पुष्करादध्यथवा निरमन्थत। मूर्ध्नो विश्वस्य वाघतः। तम् (३४)

त्वा द्युध्यङ्गिः पुत्र ईधे अथर्वणः। वृत्रहणं पुरन्दरम्। तम् त्वा पाथ्यो वृषा समीधे दस्युहन्तमम्। धनंजयं रणेरणे। उत ब्रुवन्तु जन्तव उदग्निरवृत्रहाजनि। धनंजयो रणेरणे। आ यं हस्ते न खादिनं शिशुं जातं न विभ्रति। विशामग्निं स्वध्वरम्। प्र देवं देववीतये भरता वसुवित्तमम्। आ स्वे योनौ नि पीदतु। आ (३५)

जातं जातवैदसि प्रियं शिशीतातिथिम्। स्योन आ गृहपतिम्। अग्निनाऽग्निः समिध्यते क्विर्गृहपतिर्युवा। हव्यवाङ्मुह्यस्यः। त्वं ह्यग्ने अग्निना विप्रो विप्रेण सन्धस्ता। सखा सख्यां समिध्यसे। तम्मर्जयन्त सुक्रतुं पुरोयार्वानमाजिपुं। स्वेषु क्षयेषु वाजिनम्। यज्ञेन यज्ञमयजन्त देवास्तानि धर्माणि प्रथमान्यासन्। ते ह

नाकम्महिमानं सचन्ते यत्र पूर्वे साध्याः सन्ति देवाः (३६)

बोढवे दूतस्त्वन्तमुं सीदत्वा यत्र चत्वारिं च॥ [११]

युञ्जान इमामंगृभ्णं देवस्य सन्ते वि पाजसा वसवस्त्वा समस्त्वोर्ध्वा अस्याकूतिं यदग्ने यान्यग्ने यं यज्ञमेकादश॥११॥ युञ्जानो वर्म च स्थ आदित्यास्त्वा भारती स्वा अह पद्वत्वारिंशत्॥१२॥ युञ्जानो वाजैवाजे॥ [१२]

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>